

四庫全書薈要

• 乾隆御覽本

史部

國語卷十七

吳 韋昭 注

楚語上

莊王使士亹傅太子蒧

莊王楚成王之孫穆王之子
蒧也士亹楚大夫蒧恭王名

辭曰臣不材無能益焉王曰賴子之善善之也

也賴恃

對曰夫善在大子大子欲善善人將至若不欲善善

則不用故堯有丹朱

朱堯子
封於丹

舜有商均

均舜子
封於商

啓有

五觀

啓禹子也五觀啓子大康昆弟也觀洛汭之地書序曰大康失國昆弟五人須于洛汭傳曰夏

有觀

湯有大甲

大甲湯孫大丁之子不遵湯法伊尹不能正放之于桐

文王有

管蔡

管蔡文王子周公兄也

是五王者皆元德也而有姦子夫

豈不欲其善不能故也若民煩可教訓

煩亂

蠻夷戎

翟其不賓也久矣

賓服也

中國所不能用也王卒使傅

之問於申叔時

叔時楚賢大夫申公也

叔時曰教之春秋而為

之聳善而抑惡焉以戒勸其心

以天時紀人事謂之春秋聳獎也抑貶也

教之世而為之昭明德而廢幽昏焉

世先王之世繫也昭顯也幽闇

也昏亂也為之陳有明德者世顯而闇亂者世廢也以休懼其動休嘉也動行也使之嘉顯

而懼教之詩而為之道廣顯德以耀明其志道開也顯德謂

若成湯文武周召信公之屬詩所美者教之禮使知上下之則則法也教

之樂以疏其穢而鎮其浮疏濬也樂者所以移風易俗盪滌人之邪穢也鎮重

也浮輕也教之令使訪物官令先王之官法時令也訪議也物事也使議知百官之事

業教之語使明其德而知先王之務用明德於民也

語治國之善語教之故志使知廢興者而戒懼焉故志謂所記前世成

敗之書教之訓典使知族類行比義焉訓典五帝之書也族類謂若惇

叙九族比義

義之與比也

若是不從

不見動而不悛

悛改也

則文

詠物以行之

文文詞也詠風也謂以文詞風託事物以動行之

求賢良以翼

之翼輔也

悛而不攝則身勤之

攝固也勤勤身以易勉也

多訓典刑

以納之

刑法也

務慎惇篤以固之攝而不徹

徹通也

則明

施舍以道之忠

施已所欲原心會過謂之忠恕

明久長以道之信

信有

然後可長久

明度量以道之義

義宜也言度量所宜也

明等級以道

之禮

等級貴賤之品

明恭儉以道之孝

恭儉所以事親

明敬戒以道

之事

敬戒於事則無敗功

明慈愛以道之仁明昭利以道之文

昭明也明利
言利人及物

明除害以道之武

除害去
暴亂也

明精意以道

之罰

明盡精意
斷之以情

明正德以道之賞

正德謂不
私所愛也

明齊肅

以耀之臨

齊一也肅敬也耀
明也臨臨事也

若是而不濟不可為也

濟成也為
為師傳也

且夫誦詩以輔相之威儀以先後之體兒

以左右之明行以宣翼之

宣備
也

制節義以動行之恭

敬以臨監之勤勉以勸之尊順以納之忠信以發之

德音以揚之教備而不從者非人也其可興乎

興猶
成也

夫子踐位則退

夫子夫子
退謙退也

自退則敬

自退則
見敬也

不則報

報懼也不自
退則恒憂懼

恭王有疾

恭王太子蒧也疾在魯襄十三年

召大夫曰不穀不德失

先君之業

業伯業也

覆楚國之師不穀之臯也

覆敗也謂邲陵之戰

為晉所敗

若得保其首領以沒

保首領免刑謀也

唯是春秋所以

從先君者請為靈若厲

亂而不損曰靈殺戮不辜曰厲言春秋稀裕當以主誼序

昭穆從先君於廟堂也

大夫許諾王卒及葬子囊議諡

子囊恭王弟令

尹公

大夫曰君王有命矣子囊曰不可夫事君者先

其善不從其過

先其善先舉君之善事以為稱不從其過行也

赫赫楚國而

君臨之

赫赫顯盛也

撫征南海訓及諸夏其寵大矣

撫安也

正也南海羣蠻也訓教也寵榮也

有是寵也而知其

教及諸夏謂主盟會頒號令也

過可不謂恭乎

諡法既過能改曰恭

若先君善

先其善事

則請為恭

大夫從之

屈到嗜芰

屈到楚鄉屈蕩子子夕也芰菱也

有疾召其宗老而屬之

家臣曰老宗老為宗人者

曰祭我必以芰及祥

祥祭也

宗老將薦芰

屈建命去之

建屈到之子子木也

宗老曰夫子屬之

夫子屈到也

子

木曰不然夫子承楚國之政

承奉也

其法刑在民心而

藏在王府上之可以比先王下之可以訓後世雖微

楚國諸侯莫不譽

微無也雖使無楚國之稱諸侯猶皆譽之以為善也

其祭典

有之曰國君有牛享

諸侯以太牢也

大夫有羊饋

羊饋少牢也

士

有豚犬之奠

士以特牲

庶人有魚炙之薦

庶人祀以魚

籩豆脯

醢則上下共之

共之以多少為差也

不羞珍異不陳庶侈

羞進也庶

衆也侈猶多也

夫子不以其私欲干國之典遂不用

干犯也

湫舉娶於申公子牟

湫舉楚大夫伍參之子伍奢之父伍舉也子牟申公王子牟也

子牟有臯而亡

亡奔也

康王以為湫舉遣之

康王恭王之子康王

昭也 湫舉奔鄭將遂奔晉 鄭小而近 蔡聲子將如晉 蔡

子蔡公孫歸生子家也唐云楚滅蔡蔡聲子為楚大

夫昭謂蔡時尚存聲子通使於晉楚耳在魯襄二十

年遇之於鄭郊饗之以璧侑 饗食也璧侑 曰子尚良

食 尚猶強也 二先子其皆相子 相助也二先子謂湫

父子朝也傳曰楚伍參與蔡大師 尚能事晉君以為

子朝友其子伍舉與聲子相善 尚能事晉君以為

諸侯主 主盟 辭曰非所願也若得歸骨於楚死且不

朽 自謂 聲子曰子尚良食吾歸子 使子 湫舉降三拜

拜善 納其乘馬聲子受之 四馬曰乘受而還見令尹

言也 不辭定其心也 還見令尹

五

五

五

五

子木

子木屈建也傳曰聲子通使於晉還如楚

子木與之語曰子雖兄弟

於晉然蔡吾甥也

蔡晉同姓謂吾舅者吾謂之甥

二國孰賢對曰晉

卿不若楚

順說之辭言時趙武為晉正卿不及子木之忠然而有德

其大夫則賢

賢於楚大夫也

其大夫皆卿才也若杞梓皮革焉楚實遺之

杞梓良材也皮革犀兕也

雖楚有材不能用也子木曰彼有公族

甥舅若之何其遺之材也對曰昔令尹子元之難

元子

楚武王子文王弟王子善也欲盡文夫人遂處王宮闔班殺之在魯莊二十八年及三十年

或譖

王孫啓於成王

啓子元子也成王文王子也或譖啓與父同辜

王弗是

是理也

王孫啓奔晉晉人用之及城濮之役晉將遁矣

晉楚戰於

城濮在魯僖二十八年遁逃退也

王孫啓與於軍事謂先軫

先軫晉中軍帥

曰是師也唯子玉欲之

子玉楚令尹得臣也

與王心違

王不欲戰子玉

固請王怒少與之師

故唯東宮與西廣實來

東宮西廣楚軍營名

諸侯之

從者畔者半矣

畔舍子玉也

若敖氏離矣

若敖氏子玉同族離謂不欲戰

也楚師必敗何故去之先軫從之大敗楚師則王孫

啓之為也昔莊王方弱

方弱未二十

申公子儀父為師

儀父

申公闕班之子大司馬闕克也

王子變為傅

變楚公子

使師崇子孔帥師

以伐舒

師崇楚太師潘崇也子孔變及儀父施二帥楚令尹成嘉也舒羣舒也

而分其室

施羣於二帥二帥潘崇子孔也室家資也師還至則以王如廬

師子孔潘崇之師也二子懼故以王如廬廬楚邑也

傳曰初闕克囚于秦秦有殺之敗而使歸求成成而

不得志公子變求令尹不得故作廬戢黎殺二子而

亂城郢而使賊殺子孔弗克而還廬戢黎殺二子而

復王

戰黎廬大夫也二子變及儀父也或譖析公臣於王析公臣楚大夫也或

譖之言與知王弗是析公奔晉晉人用之實譏敗楚

使不規東夏則析公之為也

規猶有也東夏蔡沈也傳曰繞角之役晉將遁

矣析公曰楚師輕窺易震蕩也若多鼓鈞聲以夜軍之楚師必遁晉人從之楚師宵潰晉遂侵蔡襲沈獲

其君鄭於是不敢南面楚失
諸華繞角之役在魯成六年
昔雖子之父兄譖雖子

於恭王

雖子楚大夫父兄
同宗之父兄也

王弗是雖子奔晉晉人用

之及鄢之役晉將遁矣

鄢鄢陵也在
魯成十六年

雍子與於軍事

謂樂書曰楚師可料也

樂書晉正
卿料數也

在中軍王族而已

唐云族親族同姓也昭謂族部屬也傳曰樂范以
其族夾公行時二子將中軍中軍非二子之親也若

易中下楚必歆之

中下中軍之下也歆猶貪也簡易
樂范之行示之弱以誘楚也傳曰

樂范易行以誘之鄭司農以為易行中軍
與上下軍易卒伍也中軍之卒良故易之

若合而函

吾中

合合戰也函入
也中中軍也

吾上下必敗其左右

晉上下軍
必敗楚之

左右則三萃以攻其王族必大敗之

萃集也時晉有四軍言三集者

中軍先入而上下及新軍乃三集以攻之

樂書從之大敗楚師王親面傷

則雖子之為也

王楚恭王也面傷謂呂錡射其目

昔陳公子夏為御

叔取於鄭穆公

公子夏陳宣公之子御叔之父也為御叔取鄭穆公少妃姚子之女夏姬

也生子南子南之母亂陳而亡之

子南夏徵舒之字也御叔蚤死陳靈

公與孔寧儀行父淫夏姬徵舒殺靈公楚莊王以諸侯討之而滅陳

使子南戮於諸侯

言為諸侯所戮

莊王既以夏氏之室賜申公巫臣則

又畀之子反卒於襄老

畀予也巫臣楚申公屈巫子靈也子反司馬公子側也襄老

楚連尹也初莊王欲納夏姬巫臣諫王曰不可君召

諸侯以討暴也今納夏姬貪其色也貪色為淫淫為

大罰王乃止將以賜巫臣則又與子反襄老獲於邲

子反欲取之巫臣又難之卒以與襄老襄老獲於邲

二子爭之未有成晉楚戰於邲在魯宣十二年晉知莊子射襄老獲之以其尸歸二子

子反巫臣也爭爭夏姬成定也恭王使巫臣聘於齊以夏姬行巫臣

姬使歸託以求襄老之尸恭王遣焉巫臣聘遂奔晉

諸鄭鄭伯許之及使適齊至鄭遂以夏姬行遂奔晉

晉人用之實通吳晉使其子狐庸為行人於吳子反

臣之族巫臣在晉請使於吳吳子壽夢而教之射御

說之乃通吳于晉使其子為吳行人而教之射御

道之伐楚至于今為患則申公巫臣之為也今秋舉

道之伐楚至于今為患則申公巫臣之為也今秋舉

道之伐楚至于今為患則申公巫臣之為也今秋舉

取於王子牟子牟得臯而亡執政弗是

執政卿也

謂湫舉

曰女竇遣之彼懼而奔鄭緬然引領而望

緬猶邈也引領頸也

曰庶幾赦吾臯又弗圖也乃遂奔晉晉人又用之矣

彼若謀楚其亦必有豐敗也哉

豐大也

子木愀然

愀然見愁

曰夫子何如召之其來乎對曰亡人得復又何不來

為子木曰不來則若之何對曰夫子不居矣

不居言當奉命

於它國春秋相事以還軫於諸侯

軫車後橫木也言四時相聘問之事回車

於諸侯也若資東陽之盜使殺之其可乎

資賂也東陽楚北邑不然

不來矣子木曰不可我為楚卿而賂盜以賊一夫於

晉非義也子為我召之吾倍其室

倍其室益其家也

乃使湫

鳴召其父而復之

靈王為章華之臺

靈王楚恭王之庶子靈王熊虔也章華地名吳語曰乃築臺於章華

之上與伍舉升焉曰臺美夫

伍舉湫舉也湫邑也

對曰臣聞國君

服寵以為美

服寵謂以賢受寵服是為美也

安民以為樂

以能安民為樂聽

德以為聰

聰用有德也

致遠以為明

人能致遠人也

不聞其以土

木之崇高彫鏤為美

彫謂丹楨鏤謂刻栴

而以金石匏竹之昌

大囂庶為樂

金鐘也石磬也匏笙也竹簫也管也昌盛也囂護也庶衆也

不聞其以

觀大視侈淫色以為明而以察清濁為聰也

察審也清濁宮

羽也先君莊王為匏居之臺

匏居臺名

高不過望國氛

氛氣也

大不過容宴豆

言宴有折俎還豆之陳

木不妨守備

不妨城郭守備之材

用不煩官府

財用不出府藏

民不廢時務官不易朝常問誰

宴焉則宋公鄭伯

言二國朝事楚

問誰相禮則華元駟駢

相相

導也華元宋卿華御事之子右師元也駢鄭穆公之子子駟也

問誰贊事則陳侯蔡

侯許男頓子

贊佐也

其大夫侍之

各侍其君

先君是以除亂

克敵而無惡於諸侯今君為此臺也國民罷焉財用

盡焉年穀敗焉

敗廢民之時務

百官煩焉

為之徵發

舉國留之

雷治

之也數年乃成願得諸侯與始升焉諸侯皆距無有至

者而後使太宰啓疆請於魯侯

啓疆楚卿遠子也魯侯昭公也事在昭七

年懼之以蜀之役

蜀魯地魯宣公使求好於楚楚莊王卒宣公薨不克作好至成公即

位受盟於晉楚子怒使公子嬰齊帥師侵魯至蜀魯人懼使孟孫賂楚以請盟在魯成二年

而僅

得以來

僅猶劣也

使富都那豎贊焉

富富於容兒都開也那美也豎未冠者也

言取美好不尚德也

而使長鬣之士相焉

長鬣美須頰也

臣不知其美

也夫美也者上下外內小大遠邇皆無害焉故曰美

若於目觀則美

於目則美德則不也

縮於財用則匱

縮取也

是聚

民利以自封而瘠民也胡美之為

封厚也胡何也何以為美

夫君

國者將民之與處民實瘠矣君安得肥

安得獨肥言將有患

且

夫私欲弘侈則德義鮮少德義不行則邇者騷離而

遠者距違

騷愁也離畔也通境內遠鄰國也

天子之貴也唯其以公

侯為官正

正長也

而以伯子男為師旅

帥師也

其有美名

也唯其施令德於遠近而小大安之也若歛民利以

成其私欲使民蒿焉忘其安樂而有遠心

蒿耗也遠心畔離也

其為惡也甚矣安用目觀故先王之為臺榭也

積土曰臺

無室曰榭榭不過講軍實

講習也軍實戎士也

臺不過望氛祥

凶氣為氛

吉氣為祥

故榭度於大卒之居

大卒王士卒也度謂足以臨見之

臺度於

臨觀之高

足以臨下觀上使屋榭不蔽目明而已

其所不奪牆地

稼穡之地

其為不匱財用

為作也

其事不煩官業

業事也

其日不廢

時務

以農隙也

瘠磽之地於是乎為之

不害穀土也磽确也

城守之

末於是乎用之

城守之餘然後用之

官寮之暇於是乎臨之

暇聞

也 四時之隙於是乎成之

隙空閒時也

故周詩曰經始靈

臺

經謂經度之立其基址也天子曰靈臺

經之營之庶民攻之不日成

之

攻治也不日不程課以時日也

經始勿亟庶民子來

亟疾也子來如子為父也

王在靈囿鹿鹿攸伏

囿域也鹿北鹿攸所也視北鹿所伏息愛將任之類也夫

為臺榭將以教民利也

臺所以望氛祥而備災害榭所以講軍實而禦寇亂皆所

以利也不知其以置之也

也知聞

若君謂此臺美而為之

正以為得楚其殆矣

也殆危

靈王城陳蔡不羹

三國楚別都也魯昭八年楚滅陳使穿封成為陳公十一年滅蔡使

公子棄疾為蔡公今潁川定陵西北有不羹亭襄城西北有不羹城使僕夫子皙問於

范無宇

子皙楚大夫僕皙父也范無宇楚大夫芋尹申無宇也

曰吾不服諸夏

而獨事晉何也

不服心不服也

唯晉近我遠也今吾城三國

賦皆千乘亦當晉矣

禮地方十里為成出長轂一乘馬四匹牛十二頭步卒七十二

人甲士三人三國各千乘其地三千成也

又加之以楚諸侯其來乎對曰

其在志也國為大城未有利者

志記也言在書籍所記國作大城未有利

者昔鄭有京櫟

京莊公弟叔段之邑櫟鄭子元之邑魯桓十五年鄭厲公因櫟人殺檀伯

而遂居櫟檀伯子元也

衛有蒲戚

蒲甯殖之邑戚孫林父之邑

宋有蕭蒙

蕭蒙

宋公子

魯有弁費

弁費季氏之邑

齊有渠丘

渠丘齊大夫黜廩之邑

晉

有曲沃

曲沃樂盈之邑

秦有徵衙

徵衙秦桓公之子景叔段公之弟公子鍼之邑

叔段

以京患莊公鄭幾不封

叔段圖篡莊公不克出奔在魯隱元年封國也

櫟人

實使鄭子不得其位

魯莊公十四年厲公自櫟侵鄭獲大夫傅瑕與之盟而赦之使

殺鄭子而納厲公鄭

衛蒲戚實出獻公

甯殖孫林父逐衛獻公獻

子莊公子子儀也

衛蒲戚實出獻公

甯殖孫林父逐衛獻公獻

公奔齊在魯

宋蕭蒙實殺昭公

昭公兄鮑殺昭公而立

襄十四年

宋蕭蒙實殺昭公

昭公兄鮑殺昭公而立

魯弁費實弱襄公

襄公十年季武子卑公室作三軍而自征之二十九年又取弁以自

予齊渠丘實殺無知

魯莊公八年無知殺襄公而立九年黜廩殺之

晉曲沃

實納齊師

樂盈奔齊齊莊公納之盈以曲沃之秦徵甲晝入為賊於絳在魯襄二十三年

衛實難桓景

公子鍼有寵於桓如二君於景難謂皆侵逼也魯昭元年鍼奔晉其車千乘皆

志於諸侯此其不利者也

皆見記錄於諸侯

且夫制城邑若

體性焉有首領股肱至於手拇毛脉

拇大指也毛須髮也

大能

掉小故變而不勤

掉作也變動也勤勞也

地有高下天有晦明

民有君臣國有都鄙古之制也先王懼其不帥

帥循也

故制之以義旌之以服行之以禮

謂名位不同禮亦異數

辨之

以名

名號也

書之以文

書其名位及其所掌主

道之以言既其失

也易物之由

易物易其尊卑服物之宜也

夫邊境者國之尾也譬

之如牛馬處暑之既至

處暑在七月節處止也

蚩蠶之既多而

不能掉其尾臣亦懼之

大曰蚩小曰蠶不能掉尾益重也以言三國亦將畔也

不然是三城也豈不使諸侯之心惕惕焉

惕惕也

子皙

復命王曰是知天咫安知民則

咫言少也言少知天道耳何知治民之法

是言誕也

誕虛也

右尹子革侍

子革楚大夫字故鄭大夫子然之子然丹也

曰民天之生也知天必知民矣是其言可以懼哉三

年陳蔡及不羹人納棄疾而殺靈王

城後三年在魯昭十三年棄疾

恭王子靈王弟平王也靈王為無道棄疾入國為亂
三軍畔之於乾谿王自殺言殺者王之死由三國也

左史倚相廷見申公子亶

倚相楚左史也子亶楚申公史老也廷見于廷見之

子亶不出左史謗之舉伯以告

舉伯楚大夫也

子亶怒而出

曰女無亦謂我老耄而舍我而又謗我

九十曰耄舍棄也

左

史曰唯子老耄故欲見以交儆子

交夾也

若子方壯能

經營百事倚相將奔走承序

承受事業次序也

於是不給而

何暇得見

給供也

昔衛武公年數九十有五矣

武公衛僖公之

子共伯之弟

猶箴儆於國

箴刺也儆戒也

曰自卿以下至于

師長士

師長大夫士衆士也

苟在朝者無謂我老耄而舍我

謂舍

不諫戒也

必恭恪於朝朝夕以交戒我聞一二之言必誦

志而納之以訓道我

言謗譽之言也志記也

在輿有旅賁之規

規規諫也旅賁勇力之士掌執戈楯夾車而趨車止則持輪

位宁有官師之典

庭中

之左右謂之位門屏之間謂之宁師長也典常也

倚几有誦訓之諫

誦訓工師所誦

之諫書之於几也

居寢有瞽御之箴

瞽近也

臨事有瞽史之道

事戎祀也替樂太師掌詔吉凶史太史也掌詔禮事

宴居有師工之誦

師樂師工替瞽

也誦謂也

史不失書矇不失誦以訓御之

御進也

於是乎

作懿戒以自儆也

三君云懿戒書也昭謂懿詩大雅抑之篇也懿讀曰抑毛詩叙曰抑

衛武公刺厲王亦以自儆也

及其沒也謂之叡聖武公

叡明也書曰叡作聖

諡法威強叡德曰武

子實不叡聖於倚相何害也

害傷也

周書曰文

王至於日中昃不皇暇食

日昃曰昃易曰日中則昃

惠于小民唯

政之恭文王猶不敢惰今子老楚國而欲自安也

老老

恃楚國也以禦數者王將何為

禦止也數者謂歲戒誅也為人臣尚如此王將復

何若常如此楚其難哉

難治

子亶懼曰老之過也

子老

亶名也乃驟見左史

靈王虐白公子張驟諫

子張楚大
夫白公也

王患之謂史老曰

吾欲已子張之諫若何

史老子疊
已止也

對曰用之實難已

之易矣若諫君則曰余左執鬼中右執殤宮

中身也
禮曰其

中退然天死曰殤殤宮殤之居也執謂把其錄
籍制服其身知其居處若今世云能使殤也

凡百

箴諫吾盡聞之矣寧聞它言

不欲聞
諫也

白公又諫王如

史老之言對曰昔殷武丁能聳其德至于神明

武丁
高宗

也聳敬也至通也通
于神明謂夢見傳說

以入于河

遷于
河內

自河徂亳

從河
內往

都亳於是乎三年默以思道

默諒闇也思道思君人
之道也書曰高宗諒闇

三年不言
言乃難
卿士患之
患其不言
曰王言以出令也若不言

是無所稟令也

稟受也

武丁於是作書

以書解卿士也賈唐云書說命

也昭曰非也其時未得傳說

曰以余正四方余恐德之不類茲故

不言

類善也茲此也

如是而又使以象夢求四方之賢聖

思賢

而夢見之識其容狀故作其象而使求之

得傳說以來升以為公

公上公也書序

曰高宗夢得說使百工營求諸野得之傳巖作說命

而使朝夕規諫曰若金用

女作礪

使磨礪已也

若津水用女作舟

喻遭津水

若大旱用女

作霖雨

大旱自此苗稼也雨三日以上為霖

啓乃心沃朕心

啓開也賢者之心

比霖雨也

若藥不瞑眩厥疾不瘳

以藥喻忠言也瞑眩頓督攻已急也瘳愈也

若蹠不視地厥足用傷

以失道比徒蹠而不視地必傷也

若武丁之

神明也

通於神明

其聖之叡廣也其知之不疚也猶自謂

未入

又治也

故三年默以思道既得道猶不敢專制使

以衆旁求聖人既得以爲輔又恐其荒失遺忘故使

朝夕規誨箴諫曰必交脩余無余棄也今君或者未

及武丁而惡規諫者不亦難乎

難以保國

齊桓晉文皆非

嗣也

非嫡嗣也

還軫諸侯不敢淫逸

還軫謂出奔也

心類德音以

得有國

類善也

近臣諫遠臣謗與人誦以自誥也

與衆也誦

誦善敗也誥告也

是以其入也四封不備一同

備滿也地方百里曰同方

欲美之故尤小焉

而至於有畿田

方千里曰畿

以屬諸侯

屬會也

至

于今為令君桓文皆然君不度憂於二令君而欲自逸也無乃不可乎周詩有之曰弗躬弗親庶民弗信

言為政不躬親之則衆民不信也

臣懼民之不信君也故不敢不言

不然何急其以言取臯也王病之曰子復語

病不能然故復

使語不穀雖不能用吾愁寘之於耳

愁猶願也寘置也

對曰賴

君之用也故言

也賴恃

不然巴浦之犀犛兕象其可盡

乎其又以規為瑱也

犛犛牛也規諫也瑱所以塞耳也言四獸之牙角可以為瑱難

盡也而又以規諫為之乎今象出徵外其三獸則荆交有焉巴浦地名或曰巴巴郡浦合浦

遂趨

而退歸杜門不出七月乃有乾谿之亂靈王死之

乾谿

楚東

地名

司馬子期欲以其妾為內子

子期楚平王之子子西之弟公子結也為大司

馬卿之嫡妻曰內子

訪之左史倚相曰吾有妾而愿欲筭之其

可乎

愿怒也筭內子首服衡筭也

對曰昔先大夫子囊違王之命

諡

達屬以

子夕嗜芟子木有羊饋而無芟薦

子木達父命以

羊饋易

君子曰違而道

違命合道

穀陽豎愛子反之勞也

而獻飲焉以弊於鄆

穀陽豎子反之內豎也弊暗也魯成十六年晉楚戰於鄆陵楚

師敗

平王傷目明日將復戰王召子反穀陽豎獻飲

於子反子反醉不能見王曰天敗楚也乃宵遁子反

殺自芊尹申亥從靈王之欲以隕於乾谿

芊尹申亥申

乾谿之役申亥曰吾父再奸王命王不誅惠孰大焉

乃求王遇諸棘闌以王歸王繼申亥以其二女殉而

葬

君子曰從而逆

欲從君子之行欲其道也

進退周旋唯道之從夫子木能違若教之欲

若教以

之道而去芟薦吾子經楚國

經經緯也

而欲薦芟以干之

干犯也以妻為妻猶以芟當祭也

其可乎子期乃止

國語卷十七

國語卷十八

吳韋昭注

楚語下

昭王問於觀射父

昭王楚平王之子昭王熊軫也觀射父楚大夫也

曰周書所

謂重黎實使天地不通者何也

周書謂周穆王之相南侯所作呂刑也重黎顓

頊掌天地之臣也呂刑曰乃命重黎絕地天通謂少皞之末民神雜揉不可方物顓頊受之乃命南正重司天以屬神火正黎司地以屬民

若無然民將能登天乎

若

絜不絕天地民

對曰非此之謂也古者民神不雜

雜會也謂

司民司神

之官各異民之精爽不懞貳者而又能齊肅衷正

爽明也懞

離也貳二也齊一也肅敬也衷中也

其知能上下比義

義宜也

其聖能光遠

宣朗

聖通也朗明也

其明能光照之其聰能聽徹之

徹通也

如是

則明神降之

降下也

在男曰覲在女曰巫

巫覲見鬼者周禮男亦曰巫

是使制神之處位次主

處居也位祭位也主次其尊卑先後也

而為之牲

器時服

牲牲之毛色小大也器所當用也時服四時服色所宜也

而後使先聖之後

之有光烈

烈明也

而能知山川之號

號名也

高祖之主

高祖廟之

先宗廟之事昭穆之世

父昭子穆先後之次也春秋躋僖公謂之逆祀

齊敬之

勤

齊莊也

禮節之宜威儀之則容貌之崇

崇飾也

忠信之質

質誠

禋潔之服

曰潔祀

而敬恭明神者以為之祝

祝太祝也掌祈

福祥使名姓之後能知四時之生

名姓謂舊族若伯夷炎帝之後為堯秩宗生嘉

穀非卯

犧牲之物玉帛之類采服之儀彝器之量

彝六器

粗豆量大小也

次主之度

疏數之度

屏攝之位

周氏云屏者并攝主人之位昭謂屏屏風

也攝形如今要扇皆所以分別尊卑為祭祀之位近漢亦然

壇場之所

除地曰場上下之

神祇氏姓之所出

所自出也

而心率舊典者為之宗

宗宗伯也掌祭

禮之

於是乎有天地神民類物之官謂之五官

類物謂別善惡

利器用之官

各司其序不相亂也民是以能有忠信神是以

能有明德

明德謂降福祥不為災孽也

民神異業

業事也

敬而不瀆故

神降之嘉生

嘉生善物也

民以物享禍災不至求用不匱及

少皞之衰也九黎亂德

少皞黃帝之子金天氏也九黎黎氏九人也

民神雜

糅不可方物

同位故雜糅方猶別也物名也

夫人作享家為巫史

夫人人人

也享祀也巫主接神史次位序言人人自為之

無有要質

質誠也

民匱于祀而不

知其福

言民困匱於祭祀而不獲其福

烝享無度民神同位民瀆齊盟

無有嚴威

齊同也嚴敬也威畏也

神狎民則不蠲其為

狎習也則法也蠲潔

也其為所為也

嘉生不降無物以享禍災荐臻莫盡其氣

荐重也臻

至也氣壽命之氣

顓頊受之

少皞氏沒顓頊氏作受祿也

乃命南正重司天

以屬神

南陽位正長也司主也屬會也所以會羣神使各有秩序不相干亂也周禮則宋伯掌祭祀

命火正黎司地以屬民

唐尚書云火當為北北陰位也周禮則司徒掌土地人民也

使復舊常無相侵瀆

使犯也

是謂絕地天通

絕地民與天神相通之道

其後三苗復九黎之德

其後高辛氏之季年也三苗九黎之後也高辛氏衰三苗為亂

行其凶德如九黎之為也堯興而誅之

堯復育重黎之後不忘舊者使復

典之

育長也堯繼高辛氏平三苗之亂紹育重黎之後使復典天地之官羲氏和氏是也

以至于

夏商故重黎氏世叙天地而別其分主者也

叙次也分位也

其

在周程伯休父其後也當宣王時失其官守而為司馬

氏

程國也伯爵也休父名也失官守謂失天地之官而以諸侯為大司馬詩曰王謂尹氏命程伯休父是也

寵神其祖以取威于民曰重寶上天黎寶下地

寵尊也言休父

之後世尊神其祖以威耀其民言重能舉上天黎能抑下地令相遠故不復通也

遭世之亂而

莫之能禦也

亂謂幽平以下也禦謂止也

不然夫天地成而不變

言天

地體成不復改變也何比之有

言不相比近也

子期祀平王

子期楚平王之子結也平王恭王子昭王父也

祭以牛俎於王

牛致

俎於昭王

王問於觀射父曰祀牲何及

王感俎肉而問牲何所及

對曰祀

加於舉

加增也舉人君朔望之盛饌

天子舉以大牢祀以會

大牢牛羊豕也

會會三大牢舉四方之貢

諸侯舉以特牛祀以大牢

特一也

卿舉以少

牢祀以特牛

少牢羊豕

大夫舉以特牲祀以少牢

特牲豕也

士食

魚炙祀以特牲庶人食菜祀以魚上下有序民則不慢

王曰其小大何如對曰郊禘不過薦栗

角如薦栗郊禘祭天也

烝

嘗不過把握

握長不出把握者

王曰何其小也對曰夫神以精明

臨民者也故求備物不求豐大

備物體具而精潔者

是以先王之

祀也以一純二精

一純心純一而潔二精玉帛也

三牲四時五色六律

七事八種

七事天地民四時之務也八種八音也

九祭十日十二辰以致

之

九祭九州助祭也十日甲至癸也十二辰子至亥也擇其吉日令辰以致神

百姓千品萬

官億醜兆民經入畎數以奉之

百姓百官受氏姓也千品姓有微品十為千品

五物之官陪屬萬為萬官官有十醜為億醜天子之田九畎以食兆民王取經入以食萬官也

明德以

昭之

昭昭孝敬也

和聲以聽之

中和之聲使神聽之

以告徧至則無不

受休

至神至也休慶也

毛以示物

物色也

血以告殺

明不因故也

接誠

拔取以獻具為齊敬也

接誠於神也拔毛取血獻其備物也齊潔也詩曰執其鸞刀以

啓其毛取其血骨

敬不可久民力不堪故齊肅以承之

肅疾也承奉也

王曰芻豢幾何

草食曰芻穀食曰豢

對曰遠不過三月近不過浹

日

遠謂三牲近謂鷄鶩之屬浹日十日也

王曰祀不可以已乎

已止也

對曰

祀所以昭孝息民

昭孝養使民蕃息也

撫國家定百姓也不可以

已夫民氣縱則底

氣志氣也縱放也底箸也

底則滯滯久不震

滯廢也震

懼也言無祭祀則民無所畏忌無所畏忌則志放縱志放縱則遂廢滯難復恐懼也

生乃不殖

人生

物也殖長也不長神不降以福也

是用不從

不從上令

其生不殖不可以封

封國也

是以古者先王日祭月享時類歲祀

以事類曰類日祭于祖考

月薦于魯高時類于二祧歲祀于壇墠

諸侯舍日

有月享也

卿大夫舍月

有時祭

士庶人舍時

歲乃祭也

天子徧祀羣神品物

品物謂若八蜡所祭猶虎昆蟲

之類也

諸侯祀天地三辰及其土之山川

三辰日月星也祀天地謂二王

後也非二王後祭分野星山川而已

卿大夫祀其禮

禮謂五祀及祖所自出也

士庶人

不過其祖

祖王父也

日月會于龍罔

罔龍尾也謂周十二月夏十月也日月合辰于

尾上月令曰孟冬日在尾

土氣舍收

舍收收縮萬物舍藏也

天明昌作

昌盛也作起也

謂天氣上也

百嘉備舍

嘉善也時物畢成舍入室也

羣神頻行

頻並

也並行欲求食也

國於是乎烝嘗家於是乎嘗祀

烝冬祭也嘗百物也月

今孟冬大飲烝傳曰閉塾而烝

百姓夫婦擇其令辰

辰十二辰也

奉其犧牲

敬其齋盛潔其糞除慎其采服禋其酒醴帥其子姓

禋潔

也子姓衆同姓也

從其時享虔其宗祝

宗主祭祀祝主祝祈也

道其順辭

以昭祀其先祖肅肅濟濟如或臨之於是乎合其州鄉

朋友婚姻比爾兄弟親戚

合會也此親也

於是乎弭其百苛姁

其讒慝

弭止也苛虐也姁覆也止覆謂解怨除恨之辭

合其嘉好結其親暱

合結也謂

於此更申固之

億其上下

億安也

以申固其姓上所以教民虔也

下所以昭事上也天子禘郊之事必自射其牲

牲牛也

王

后必自春其粢

器實日粢

諸侯宗廟之事必自射其牛剝羊

擊豕

剝刺也擊殺也

夫人必自春其盛

在器曰盛上言粢下言盛互其文也

况其

下之人其誰敢不戰戰兢兢以事百神天子親春禘郊

之盛

帥后春之

王后親繰其服

服祭服也祭義云夫人繰三盆則王后其一盆與周語曰

王耕一爨班三之

自公以下至於庶人其誰敢不齊肅恭敬致

力於神民所以攝固者也若之何其舍之也

攝持也舍廢也

王

曰所謂一純二精七事者何也對曰聖王正端冕以其

不違心帥其羣臣精物以臨監享祀無有苛慝於神者

謂之一純

端立端之服也冕大冠也監視也
不違心謂心思端正服則端正也

玉帛為二

精

明潔為精

天地民及四時之務為七事王曰三事者何也對

曰天事武

乾稱剛健故武

地事文

地質柔順故文
易曰坤為文

民事忠信

以忠信為

行

王曰所謂百姓千品萬官億醜兆民經入眈數者何也

對曰民之徹官百

徹達也自以名達於上者有百官也

王公之子弟之質

能言能聽徹其官者

質有賢質也能言能言其官職也

而物賜之姓以

監其官是為百姓

物事也以功事賜之姓官有世功則有官族若司馬太史之屬是也

姓

有微品十於王謂之千品

謂一官之職其寮屬微於王者有十品百官故有千品也

五物之官陪屬萬為萬官

五物謂天地神民類物之官也臣之臣為陪屬謂有寮屬

轉陪貳相佐助復有

官有十醜為億醜

醜類也以十醜承萬為十萬十

萬曰億古數也

天子之田九畝以食兆民

九畝九州之內有畝數也

食兆民耕而食其中也天子曰兆民

王取經入焉以食萬官

經常也常入征稅也

鬬且廷見令尹子常

鬬且楚大夫子常子囊之孫囊瓦也

子常與之語問

蓄貨聚馬歸以語其弟曰楚其亡乎不然令尹其不免

乎吾見令尹令尹問蓄聚積實如餓豺狼焉

實財也

殆必

亡者也夫古者聚貨不妨民衣食之利聚馬不害民之

財用

貨珠玉之屬自然物也貨馬多則養求者衆妨財力也

國馬足以行軍

國馬民馬

也十六井為丘有戎馬一足牛三頭足以行軍也

公馬足以稱賦

公馬公之戎馬也稱舉也

賦兵

不是過也公貨足以賓獻

賓饗贈也獻貢也

家貨足以供

用

家大不是過也夫貨馬郵則闕於民

郵過也闕缺也

民多闕

則有離畔之心將何以封矣

封封國也

昔鬬子文三舍令尹

子文鬬伯比之子於蒐也舍去也

無一日之積恤民之故也

積儲也

成王

聞子文之朝不及夕也

成王楚文王之子願也

於是乎每朝設脯

一束糗一筐以羞子文

糗寒粥也筐器名也羞進也

至于今令尹秩

之

秩常也

成王每出子文之祿必逃王止而後復

祿奉也復反也

人謂子文曰人生求富而子逃之何也對曰夫從政者

以庇民也

庇覆也

民多曠者而我取富焉

曠空也

是勤民以

自封也

勤勞也封厚也

死無日矣我逃死非逃富也故莊王之

世滅若敖氏唯子文之後在至于今處鄧為楚良臣

莊王

成王孫也若敖氏子文之族也魯宣四年子文之弟子
關椒為亂莊王滅若敖氏之族子文之孫箴尹克黃使
於齊還而自拘於司敗王思子文之治楚也曰子文
無後何以勸善使復其所其子孫當昭王時為鄧公是

不先恤民而後已之富乎今子常先大夫之後也

先大夫子

囊而相楚君無令名於四方民之羸餒日日已甚

羸瘠也言

日日又甚四境盈壘

盈滿也壘壁也言壘壁滿於四境之內

道殣相望

道冢曰殣詩云

行有死人尚或殣之盜賊司目民無所放

放依也

是之不恤而蓄聚

不厭其速怨於民多矣

速台也

積貨滋多蓄怨滋厚不亡

何待夫民心之愠也

愠怒也

若防大川焉潰而所犯必大

矣

犯敗也

子常其能賢於成靈乎成不禮於穆願食熊蹯

不獲而死

成成王穆王商臣之父也欲黜商臣而立其弟職商臣圍成王王請食熊蹯而死不聽遂

自殺蹠

靈王不顧於民一國棄之如遺迹焉

靈王不君
罷弊楚國

掌也三軍叛之如行人之遺棄其迹也

子常為政而無禮不顧甚於成靈其

獨何力以待之

待猶禦也

期年乃有柏舉之戰子常奔鄭昭

王奔隨

柏舉楚地隨漢東國也初蔡昭侯朝於楚子常欲其佩唐成公亦朝焉子常欲其驢騾馬二君

不予而畱之三年後子之乃得歸歸與吳伐楚大敗之在魯定四年奔隨自郢奔隨也

吳人入楚昭王出奔濟於成臼

吳人闖閭也出奔隨也濟汶也成臼津名見

藍尹亶載其孥

藍尹亶楚大夫也妻子曰孥

王曰載予對曰自先王

莫隊其國

隊失也

當君之世而亡之君之過也遂去王王

歸又求見王王欲執之子西曰請聽其辭夫其有故

西子

平王之子昭王之庶兄令尹公子申也故猶意也

王使謂之曰成臼之役而棄

不穀今而敢來何也

而汝也

對曰昔瓦唯長舊怨以敗於

柏舉故君及此

瓦子常名也長猶積也

今又效之無乃不可乎臣

避於成臼以儆君也庶悛而更乎

悛改也

今之敢見觀君

之德也曰庶懼而鑒前惡乎

鑒鏡也

君若不鑒而長之君

實有國而不愛臣何有於死

何惜死

死在司敗矣

楚謂司寇為司

敗

唯君圖之子西曰使復其位以無忘前敗

言見釐則念前敗也

王乃見之

吳人之入楚楚昭王奔鄖

鄖楚邑也

鄖公之弟懷將殺王

鄖公

令尹子文立孫之孫蔓成然之子闕辛也

鄖公辛止之懷曰平王殺吾父

王平

昭王考也父蔓成然也成然立平王貪求無厭平王殺之

在國則君在外則讎也見

讎弗殺非人也鄖公曰夫事君者不為外內行

不為外內易行

不為豐約舉

豐盛也約衰也舉動也

苟君之尊卑一也且夫自敵

以下則有讎

敵敵體也

非是不讎下虐上為殺上虐下為討

而況君乎君而討臣何讎之為若皆讎君則何上下之

有乎吾先人以善事君成名於諸侯自鬬伯比以來未

之失也今爾以是殃之不可

殃病害也

懷弗聽曰吾思吾父

不能顧矣鄖公以王奔隨

避懷也

王歸而賞及鄖懷子西

諫曰君有二臣或可賞也或可戮也君王均之羣臣懼

矣

均同也賞罰無別故懼也

王曰夫子期之二子邪吾知之矣

子期蔓成

然或禮於君或禮於父均之不亦可乎

子西歎於朝藍尹亹曰吾聞君子惟獨居思念前世之

崇替

崇終也替廢也詩云曾不崇朝

與哀殯喪

塗木曰殯

於是有歎其餘則

不君子臨政思義

思公義也

飲食思禮同宴思樂在樂思善

無有歎焉今吾子臨政而歎何也子西曰闔閭能敗吾

師

柏舉之戰

闔閭即世吾聞其嗣又甚焉

謂嗣子夫差也甚謂政德過於父也

吾是以歎對曰子患政德之不脩無患吳矣夫闔閭口

不貪嘉味耳不樂逸聲

逸淫也

目不淫於色身不懷於安

朝夕勤志恤民之羸

羸病也

聞一善若驚得一士若賞

若受

賞有過必悛

悛改也

有不善必懼是故得民以濟其志

濟成

也志戰克也

今吾聞夫差好罷民力以成私好縱過而翳諫

也翳郵一夕之宿臺榭陂池必成六畜玩好必從夫先自

敗也已焉能敗人子脩德以待吳吳將斃矣

王孫圉聘於晉

王孫圉楚大夫也

定公饗之趙簡子鳴玉以相

定公晉頃公之子午也簡子趙鞅也鳴玉鳴其佩玉以相禮

問於王孫圉曰楚之白

珩猶在乎

珩佩上之橫者

對曰然簡子曰其為寶也幾何矣

幾何

世也曰未嘗為寶楚之所寶者曰觀射父

言以賢為寶不以寶為寶能

作訓辭以行事於諸侯

言以訓辭交結諸侯

使無以寡君為口實

口實毀弄也

又有左史倚相能道訓典以敘百物

敘次也以物事也

朝夕獻善敗于寡君使寡君無忘先王之業又能上下

說乎鬼神順道其欲惡

說媚也

使神無有怨痛于楚國

痛疾

也又有藪曰雲連徒洲金木竹箭之所生也

楚有雲夢藪澤名也

連屬也水中之可居曰洲徒其名也龜珠齒角皮革羽毛所以備賦用以

戒不虞者也

龜所以備吉凶珠所以禦火災角所以為弓弩齒象齒所以為弭皮虎豹皮也所以

為茵韃革犀兕也所以為甲冑羽鳥羽也所以為旌毛旄牛尾所以注竿首賦兵賦虞度也

所以共

幣帛以賓享於諸侯者也

享獻也

若諸侯之好幣具而道

之以訓辭

藻行也

有不虞之備而皇神相之

能媚於神故皇神相之皇

大也相助也

寡君其可以免罪於諸侯而國民保焉

保安也

此

楚國之寶也若夫白珩先王之玩也何寶焉

玩玩弄之物

圍

聞國之寶六而已聖能制議百物以輔相國家則寶之

玉足以庇蔭嘉穀使無水旱之災則寶之

玉祭祀之玉也

龜足

以憲臧不則寶之

憲法也取善惡之法

珠足以禦火災則寶之

珠水

精故以金足以禦兵亂則寶之

金所以為兵也

山林藪澤足以

備財用則寶之若夫譁囂之美

譁囂猶譁謂若鳴玉以相

楚雖蠻

夷不能寶也

微刺簡子

惠王以梁與魯陽文子

惠王昭王子越女之子章也梁楚北境也文子平王之孫司馬

子期子魯陽公也

文子辭曰梁險而在北境懼子孫之有貳者

也貳二心也

夫事君無憾憾則懼偏

憾恨也無恨謂得志也偏偏上也

偏則

懼貳

偏則懼誅故貳也

夫盈而不偏

盈志滿也

憾而不貳者臣能自

壽也

壽保也

不知其它

它子孫也

縱臣而得以其首領以沒懼

子孫之以梁之險而乏臣之祀也

恃險而貳將見誅絕

王曰子之

仁不忘子孫施及楚國敢不從子與之魯陽

子西使人召王孫勝

王孫勝故平王太子建之子白公勝也初費無極為太子少師無寵

太子取於秦而美勸王納之遂諍太子曰建將叛太子奔鄭又與晉謀鄭鄭人殺之勝奔吳在魯哀十六年

沈諸梁聞之

沈諸梁楚左司馬沈尹成之子葉公子高也

見子西曰聞子召

王孫勝信乎曰然子高曰將焉用之曰吾聞之勝直而

剛欲寘之境

寘置也傳曰召之使處具境為白公

子高曰不可其為人也

展而不信

展誠也誠謂復言非忠信之道

愛而不仁

外愛人內無仁心也

詐而不

知以詐行謀而非知

殺而不勇

殺果也

直而不衷

衷中也君子惡

許以為

周而不淑

周密也淑善也

復言而不謀身展也

復言言可復不

欺人也不謀身不計身害也

愛而不謀長不仁也

外愛人不計終身也

以謀蓋

人詐也

蓋掩也

強忍犯義殺也

強強力也忍忍犯義也

直而不顧不

衷也

不顧隱諱

周言棄德不淑也

取周其言而不以德

是六德者皆有

其華而不實者將焉用之彼其父為戮於楚其心又捐

而不潔

捐者直已之志不從人也不潔非潔行也

若其捐也不忘舊怨而不

以潔悛德

悛改也

思報怨而已則其愛也足以得人其展

也足以復之

復復其前言也

其詐也足以謀之其直也足以帥

之

帥帥衆也

其周也足以蓋之

言其周密足以覆蓋其惡也

其不潔也足

以行之而加之以不仁奉之以不義蔑不克矣夫造勝

之怨者皆不在矣

怨謂譖太子費無極之徒

若來而無寵速其怒也

速疾也

若其寵之殺貪而無厭既能得入而曜之以大利

曜示也

不仁以長之

長其利欲

思舊怨以脩其心

脩其報讎之心

苟國

有釁必不居矣

釁隙也

非子職之其誰乎

職主也言子西將主此禍

彼

將思舊怨而欲大寵

大寵令尹司馬也

動而得人

愛故得人

怨而有

術

父死而怨故有術也

若果用之害可待也余愛子與司馬故不

敢不言

司馬子西之弟子期也

子西曰德其忘怨乎

言綏之以德必忘怨也

余善之夫乃其寧

寧安也

子高曰不然吾聞之曰唯仁者

可好也可惡也可高也可下也好之不偏惡之不怨高

之不驕下之不懼不仁者則不然人好之則偏惡之則

怨高之則驕下之則懼驕有欲焉

欲專寵也

懼有惡焉

惡其上

欲惡怨偏所以生詐謀也子將若何若召而下之將戚

而懼為之上者將怒而怨詐謀之心無所靖矣

靖安也

有

一不義猶敗國家今壹五六而必欲用之不亦難乎吾

聞國家將敗必用姦人而嗜其疾味其子之謂乎

嗜貪疾也

味味為己生疾害諭好不善也

夫誰無疾膏

膏猶災也

能者蚤除之舊怨滅

宗國之疾膏也為之開籥蕃籬而遠備閑之猶恐其至

也蕃籬墜落也閑閑也是之為日惕惕懼也若召而近之死無日矣

人有言曰狼子野心怨賊之人其又可善乎若子不我

信益求若敖氏與子干子皙之族而近之若敖氏莊王所滅鬬椒也

子干子皙蒍王庶子公子比公子黑肱也平王所殺而代之何獨不召而近也安用勝也其能

幾何言危不久昔齊駒馬繻以胡公入於貝水駒馬繻齊大夫也胡公齊

太公玄孫之子胡公靖也貝水水名邴歆閭職戔懿公

於囿竹戔殘也歆職皆齊臣懿公齊桓公之子商人也為公子時與邴歆之父爭田弗勝及即位乃掘

而別之而使數僕納閭職之妻而使職驂乘魯文

晉長

十八年懿公游于申池二人殺公而內之竹中

魚鰲殺三卻於榭長魚鰲晉大夫也殺三卻錡犇至也

子同一轅既鰲嬖於厲

魯圉人犇殺子般於次

圉人養馬者子

公譖而殺三卻于榭

般魯莊公太子次舍也雩請于梁氏女公子觀之犇自

牆外與之戲子般鞭之莊公薨子般即位次于黨氏公

子慶父通于夫人夫人欲立之慶父使

夫是誰之故也

犇賊子般于黨氏在魯莊三十二年

非唯舊怨乎

故事也

是皆子所聞也人之求多聞善敗以

鑒戒也今子聞而棄之猶蒙耳也

蒙覆也

吾語子何益吾

知逃而已

逃勝之難也

子西笑曰子之尚勝也

言子論議好尚勝人也

不從遂使為白公子高以疾閒居于蔡

蔡故蔡國楚滅之葉公蕪而治

焉

及白公之亂子西子期死

白公請伐鄭以報父讎子西既許之未起師晉伐鄭

楚又救之與之盟白公怒遂作亂殺二子於朝在魯哀十六年

葉公聞之曰吾怨其棄

吾言而德其治楚國楚國之能平均以復先王之業者

夫子也

夫子子西也

以小怨寘大德吾不義也將入殺之

殺白

公帥方城之外以入殺白公而定王室

定王室謂蕪令尹司馬以平楚

國也既定乃使子西之子寧為令尹子期之子寬為司馬而老子葉

葬二子之族

子西子期之族

多見害故皆為葬之




國語卷十八

謹案卷十六第一頁後六行薛任姓刊本任訛云

據別本改

第九頁前三行當宣王時而生刊本脫時字據宋
本增

第十頁前七行則其亡非平王時也刊本脫非字
據別本增





總校官庶吉士臣張能照

校對官庶吉士臣翟槐

謄錄生臣王嘉稷

欽定四庫全書薈要

史部

國語卷

十九至
二十一

詳校官員外郎臣楊世綸



國語卷十九

吳 韋昭 注



夫差起師伐越越王勾踐起師逆之江

夫差泰伯之後闔廬

之子姬姓也勾踐祝融之後允常之子苾姓也鄭語曰

苾姓夔越世本亦云越苾姓也魯定十四年吳伐越越

敗之於檇李闔廬傷而死後三年夫差伐越報檇李也

越逆之江至於五湖吳人大敗之於夫椒遂入越越子

以甲楯五千保于

會稽在魯哀元年大夫種乃獻謀也種越大夫曰夫吳之

與越唯天所授王其無庸戰

庸用也

夫申胥華登簡服吳

國之士於甲兵而未嘗有所挫也

申胥楚大夫伍奢之子子胥也名員魯昭

二十年奢誅于楚員奔吳吳子與之申地故曰申胥華

登宋司馬華費遂之子也華氏作亂於宋而敗登奔吳

為大夫簡習

夫一人善射百夫決拾

決鉤弦也拾捍也言申胥華登善用

也挫毀折也

兵衆必化之猶一人善射

勝未可成

成猶必也

夫謀必素見

而百夫競箸決拾而放之

成事焉而後履之

素猶豫也履行也

不可以授命

授命猶關命也

王不

如設戎約辭行成以喜其民

戎兵也約卑也成平也言不如設兵自守卑約其辭

以求平於吳

以廣侈吳王之心

侈大也

吾以卜之於天天

吳民必喜

若棄吳必許吾成而不吾足也

言越不足畏也

將必寬然有伯

諸侯之心焉

寬緩也

既罷弊其民而天奪之食安受其燼

奪之食稻蟹之屬也燼餘也

乃無有命矣

吳無復有天命矣

越王許諾乃命

諸稽郢行成於吳

諸稽郢越大夫

曰寡君勾踐使下臣郢不敢

顯然布幣行禮

布陳也幣玉帛也顯猶公露也

敢私告於下執事曰昔

者越國見禍得罪於天王

見禍於天得罪謂傷闔廬也言天王尊之以名

天王

親趨玉趾以心孤勾踐

趾足也孤棄也

而又宥赦之

宥寬也

君王

之於越也繫起死人而肉白骨也

繫是也使白骨生肉德至厚也

孤不

敢忘天災其敢忘君王之大賜乎今勾踐申禍無良

重申

也良草鄙之人敢忘天王之大德而思邊垂之小怨

遠邑

善也稱鄙言吳侵越之以重得罪於下執事

重得罪謂報見侵也

勾踐

用帥二三之老

家臣稱老言此謙也

親委重罪頓顙於邊

委猶歸也邊邊

境也今君王不察盛怒屬兵將殘伐越國

察理也屬會也殘伐謂廢會稽

也越國固貢獻之邑也君王不以鞭箠使之而辱軍士

使寇令焉

若禦寇之號令

勾踐請盟一介嫡女執箕箒以眩姓

於王宮

一介一人眩備也姓庶姓也曲禮曰納女於天子曰備百姓

一介嫡男奉槃

區以隨諸御

槃承盥器也晉語曰奉區沃盥御近臣宦豎之屬

春秋貢獻不解

於王府天王宣辱裁之

豈能辱意裁制之

亦征諸侯之禮也

征稅

也此亦天子征稅諸侯之禮

夫諺曰狐狸之而狐捐之是以無成功

埋藏也捐發也

今天王既封殖越國以明聞於天下

封殖以草木自喻壅

本曰封殖立也明顯也聞於天下言天下備聞也

而又刈亡之是天王之無成

勞也

芟草曰刈勞功也

雖四方之諸侯則何實以事吳

實實事也敢

使下臣盡辭唯天王秉利度義焉

秉執也義宜也

吳王夫差乃告諸大夫曰孤將有大志於齊

欲伐齊也

吾將

許越成而無拂吾慮

拂絕也

若越既改吾又何求若其不

改反行吾振旅焉

伐齊反振旅而討之

申胥諫曰不可許也夫越

非實忠心好吳也又非懾畏吾兵甲之強也大夫種勇

而善謀將還玩吳國於股掌之上以得其志

還轉也玩弄也脛本

曰夫固知君王之蓋威以好勝也

蓋猶尚也

故婉約其辭以

從逸王志

婉順也約卑也從隨也

使淫樂於諸夏之國以自傷也

使吾甲兵鈍弊民人離落而日以憔悴

離畔也落殞也憔悴瘦病也

然後安受吾燼夫越王好信以愛民四方歸之年穀時

孰日長炎炎

炎炎進兒

及吾猶可以戰也為虺弗摧為蛇將

若何

虺小蛇大也傳曰封豕長蛇

吳王曰大夫奚隆於越

奚何也隆盛也

越

曾足以為大虞乎

虞度也

若無越則吾何以春秋曜吾軍

士乃許之成將盟越王又使諸稽郢辭曰以盟為有益

乎前盟口血未乾

未乾喻近也

足以結信矣以盟為無益乎

君王舍甲兵之威以臨使之而胡重於鬼神而自輕也

吳王乃許之荒成不盟

荒空也

吳王夫差既許越成乃大戒師徒將以伐齊申胥進諫

曰昔天以越賜吳而王弗受夫天命有反

反謂盛者更衰禍者有福

今越王勾踐恐懼而改其謀舍其愆令

舍廢也愆過也

輕其征

賦施民所善去民所惡身自約也裕其衆庶

裕饒也

其民

殷衆

殷盛也

以多甲兵譬越之在吳也猶人之有腹心之

疾也夫越王之不忘敗吳於其心也戚然服士以伺吾

間

戚猶惕也間隙也

今王非越是圖而齊魯以為憂夫齊魯譬

諸疾疥癬也

疥癬在外為害微也

豈能涉江淮而與我爭此地哉

將必越實有吳土

壤地接而越脩德也

王盍亦鑑於人無鑑於水

鑑鏡也以人為鏡見成敗以水為鏡見昔楚靈王不君

形而已書曰人無于水鑑當于民鑑

不得為其臣箴諫以不入也乃築臺於章華之上

地闕為石郭陂漢以象帝舜闕穿也陂壅也舜葬九疑其山體水旋其丘下故壅

漢水使旋石郭以象之罷弊楚國以間陳蔡問侯也侯其隙而取之魯昭八年楚滅陳

十一年不脩方城之內方城楚踰諸夏而圖東國陳蔡諸夏

也東國徐三歲於沮汾以服吳越沮汾水名楚東鄙沮夷吳越也

六年楚令尹子蕩帥師伐其民不忍饑勞之殃三軍叛吳師于豫章次于乾谿

王於乾谿殃害也民罷國亂中外王親獨行屏營仿惶

於山林之中三日乃見其涓人疇涓人今中涓也疇名也王呼之

曰余不食三日矣疇趨而進王枕其股以復於地王寐

疇枕王以璞而去之璞塊也王覺而無見也乃匍匐將入

棘闥棘闥不納棘楚邑闥門也乃入芊尹申亥氏焉申亥楚大夫芊尹無

字之子也傳曰王泌夏將入郢芊尹無字之子申亥曰吾父再奸王命而弗誅惠孰大焉乃求王遇諸棘闥

王縊申亥負王以歸而土埋之其室傳曰王縊申亥以其二女殉而莖之

此志也宜遽忘於諸侯之耳乎志記也言此事皆見記於諸侯之耳而未忘也

今王既變鮒禹之功王夫差也變易也魯語曰禹能以德脩鯀之功而高高下

下以罷民於姑蘇

高高起臺榭下下深汙池也姑蘇臺名在吳西近湖

天奪吾食

都鄙荐饑

天奪吾食稻蟹也都國也鄙邊邑也荐重也

今王將很天而伐齊

很違也

夫吳民離矣

有離畔也

體有所傾譬如羣獸然一个負

矢將百羣皆奔

傾傷也言衆獸羣聚其中一个被矢則百羣皆走以言吳民臨陳就戰或小有

傾傷亦復然也

王其無方收也

方道也收還也

越人必來襲我王雖悔

之其猶有及乎王弗聽十二年遂伐齊

夫差十二年魯哀十一年

齊

人與戰於艾陵

艾陵齊地

齊師敗績吳人有功

傳曰獲齊國書革車八百

乘甲盾

三千

吳王夫差既勝齊人於艾陵乃使行人奚斯釋言於齊

奚斯吳大夫釋解也以言辭自解歸非于齊

曰寡人帥不腆吳國之役遵汶

之上

役兵也汶齊水名

不敢左右唯好之故

不敢左右暴掠齊民唯有恩好之故

也今大夫國子興其衆庶以犯獵吳國之師徒

國子齊卿國書

也犯陵也獵震也

天若不知有臯則何以使下國勝

下國吳自謂也言天

若不知有臯何以使吳國勝齊也

吳王還自伐齊乃訊申胥

訊告讓也

曰昔吾先王體德聖明

達於上帝

先王闡廬也上帝天也

譬如農夫作耦以刈殺四方之

蓬蒿

二報為耦言于胥佐先王其以立名於荆此則大猶耕者之有耦以成其事也

夫之力也

立名于荆謂敗楚于柏舉昭王奔隨時也

今大夫老而又不自安

恬逸

恬猶靜也逸樂也

而處以念惡

處居也居則念為惡於吳國

出則罪吾

衆

罪吾衆謂吳民離矣體有所傾之屬

撓亂百度

撓擾也度法也

以妖孽吳國

妄為

妖言越當藁吳也

今天降衷于吳

衷善也

齊師受服孤豈敢自多

先王之鍾鼓寶式靈之

式用也靈神也

敢告於大夫申胥釋劒

而對

釋解也

曰昔吾先王世有輔弼之臣

言闕廬以前

以能遂

疑計惡

遂決也計慮也

以不陷於大難今王播棄黎老

播放也貽背之

耆稱

而孩童焉比謀

孩幼也

曰余令而不違

不違言

夫

不違乃違也

乃違道也

夫不違亡之階也夫天之所棄必驟

近其小喜

小喜勝敵之喜

而遠其大憂

大憂在後

王若

不得志於齊而以覺寤王心吳國猶世

世繼

吾先君之

得之也必有以取之

得謂克楚也傳曰闔廬食不

其亡

之也亦有以棄之

亡之謂不正其師以班

用能援持盈以

沒

盈滿也

而驟救傾以時

以時不

今王無以取之

言無而

天祿亟至

亟數

是吳命之短也員不忍稱疾辟易以見王

也

之親為越之禽也員請先死

辟易狂疾

將死曰而縣吾目於東

門以見越之入吳國之亡也遂自殺王愠曰孤不使大夫

得有見也乃使取申胥之尸盛以鴟夷而投之於江

鴟夷革囊

吳王夫差既殺申胥不稔於歲

稔熟也謂後年不至於熟而北征也夫差以哀十一年殺子胥

十二年會魯于橐臯

乃起師北征闕為深溝於商魯之間

闕穿也商宋也

北

屬之沂

沂水名出泰山蓋南至下邳入泗

西屬之濟

濟宋水也

以會晉公午於

黃池

黃池地名晉公午晉定公也黃池事在魯哀十三年

於是越王勾踐乃命范蠡

舌庸

二子越大夫

率師公海沂淮以絕吳路

公順也逆流而上曰沂循海而逆入

於淮以絕吳王之歸路

敗王子友於姑熊夷

姑熊夷吳郊也王子友夫差太子也夫差未反

越子伐吳吳距之獲太子友

越王勾踐乃率中軍沂江

江吳江也或以有淮字誤耳

襲吳入其郛

郛郭也

焚其姑蘇徙其大舟

大舟王舟徙取也

吳晉爭

長未成

長先也成定也

邊遽乃至以越亂告

遽傳也

吳王懼乃合大

夫而謀曰越為不道背其齊盟

齊同也

今吾道路悠遠

悠長也

無會而歸與會而先晉孰利

先晉令晉先軟

王孫雄曰夫危事不

齒

王孫雄吳大夫也齒年也不以年齒對

雄敢先對二者莫利無會而歸

越聞章矣民懼而走遠無正就

正適也

齊宋徐夷曰吳既敗矣

宋今睢陽徐今
大徐夷淮夷也

將夾溝而膠我

旁擊曰膠

我無生命矣會

而先晉晉既執諸侯之柄以臨我將成其志以見天子

以侯伯之禮見天子也

吾須之不能

不能待見天子

去之不忍若越聞俞

章

俞益也

吾民恐畔必會而先之

先使吳先軟也

王乃步就王孫

雄曰先之圖之將若何王孫雄曰王其無疑吾道路悠

遠必無有二命焉可以濟事

欲決一計求先晉也濟成也

王孫雄進

顧揖諸大夫曰危事不可以為安死事不可以為生則

無為貴知矣

言人不能以危易安以死易生則何貴於知矣

民之惡死而欲貴

富以長沒也與我同

長老也沒終也

雖然彼近其國有遷我絕

慮無遷

遷轉退也絕慮道遠也

彼豈能與我行此危事也哉

言晉不能

以死與我爭

事君勇謀於此用之

勇而有謀正謂今時

今夕必挑戰以

廣民心

挑晉求戰以廣大民心示不懼也

請王厲士以奮其朋勢

朋羣也勉

勵士卒以奮激其羣黨之勢使有闔心也

勸之以高位重畜

重畜寶財備刑戮以

辱其不厲者

備具也

令各輕其死彼將不戰而先我

推先我也

我既執諸侯之柄

為盟主故執柄

以歲之不獲也無有誅焉

收獲

也誅責也不責諸侯之貢賦

而先罷之

罷遣諸侯令先歸也

諸侯必說

說喜也

既

而皆入其地

入其國境

王安挺志

挺寬也

一日惕一日畱

惕疾也畱

徐以安步王志

步行也

必設以此民也封於江淮之間乃

能至於吳

設許其勸勉者以此民封之於江淮間以恐之必速至也

吳王許諾

吳王昏乃戒令秣馬食士

秣粟也

夜中乃令服兵擐甲

夜中

夜半也服執也

係馬舌出火竈

係縛也縛馬舌恐有聲也出火於竈外以自燭

陳士卒百人以為徹行百行

徹通也百人通為一行百行為萬人謂之方陳

行頭皆官帥擐鐸拱稽

二君皆云官帥大夫也昭謂下言十行一嬖大夫此一行宜為

士周禮百人為卒卒長皆上士擐抱也拱執也抱鐸者亦恐有聲也唐尚書云稽祭戰也鄭後司農以為稽計

兵名籍也周禮聽師田以簡稽

建肥胡奉文犀之渠

肥胡幡也文犀之渠謂楫也文犀犀

之有文

十行一嬖大夫

十行千人嬖下大夫也子產謂子南曰子哲上大夫汝嬖大夫

建旌提鼓

折羽為旌提挈也

挾經秉枹

在掖曰挾經書也秉執也

十旌一

將軍

十旌萬人也將軍命卿也

載常建鼓挾經秉枹

日月為常鼓晉鼓也周禮將軍

執晉鼓建謂為之楹而樹之

為萬人以為方陳

百行故曰萬人正四方也

皆白常

白旂素甲白羽之矜望之如荼

交龍為旂素甲白甲也矜矢名以白羽為衛荼

芽秀王親秉鉞載白旗以中陳而立

熊虎為旗此王所帥中軍

左軍

亦如之

亦如中軍載常建鼓挾經秉枹之屬

皆赤常赤旗丹甲朱羽之矜

望之如火

鳥隼曰旗尚赤左陽也丹彤也朱羽染為朱也

右軍亦如之皆玄常

玄旗黑甲烏羽之矐望之如墨

黑漆甲也尚黑右陰也

為帶甲三

萬帶甲以勢攻鷄鳴乃定既陳去晉軍一里昧明王乃

矐矐

秉枹親就鳴鐘鼓丁寧鐔于振鐸

丁寧謂鉦也唐尚書云鐔于鐸非也鐔于

與鐸各異物軍行鳴之與鼓相應也

勇怯盡應三軍皆譁鉦以振旅

譁鉦謹呼

也其聲動天地晉師大駭不出周軍飭壘

周繞也乃令飭治也

董褐請事

董褐晉大夫司馬演請問也

曰兩君偃兵接好日中為期

偃匿也接合也

今大國越錄

錄第也

而造於弊邑之軍壘敢請亂

故敢問先期吳王親對之曰天子有命周室卑約貢獻

莫入上帝鬼神而不可以告

言無以告祭於天神人鬼

無姬姓之振

也振救

徒遽來告孤日夜相繼

徒步也遽傳車也

匍匐就君君

今非王室不安平是憂億負晉衆庶不式諸戎翟楚秦

億安也負恃也安恃其衆而不用征伐戎翟楚秦卑周故也

將不長弟以力征一二

兄弟之國

兄弟言幼也言晉不帥長幼之節而征伐同姓兄弟之國謂魯衛之屬或云謂晉滅虞虢韓

魏然滅虞虢韓魏皆在春秋之始非所以責定公也

孤欲守吾先君之班爵

爵次當為

盟進則不敢

不放過先君也

退則不可

亦不可不及也

今會日薄矣

薄迫

也恐事之不集以為諸侯笑

集成

狐之事君在今日不

得事君亦在今日

言欲戰以決之不勝則服事君若勝則為盟主

為使者之無

遠也狐用親聽命於藩籬之外

藩籬壁落也

董褐將還王稱

左畸曰攝少司馬茲與王士五人坐於王前

賈唐二君云稱呼也

左畸軍左部攝執也少司馬茲與王士五人皆罪人死士

乃皆進自剄於客前以酬

客

賈唐二君云剄到也酬報也將報客使死士自剄以示其威行軍士用命也昭謂魯定十四年吳伐越越

王使罪人自剄以誤吳故夫差效之

董褐既致命

致命於晉君

乃告諸趙鞅

晉正卿趙簡子也

曰臣觀吳王之色類有大憂

類似也傳曰肉食者無墨今吳

王有墨墨

小則嬖妾嫡子死不則國有大難

大難反畔

大則

黑氣也

越入吳將毒不可與戰

毒猶暴也言若猛獸被毒悖暴也

主其許之先

無以待危

主趙鞅也

然而不可徒許也

徒空也不空許宜有辭義

趙鞅許

諾晉乃令董褐復命曰寡君未敢觀兵身見

觀示也

使褐

復命曰曩君之言

曩向也

周室既卑諸侯失禮於天子

謂不

朝貢請貞於陽卜收文武之諸侯

貞正也龜曰卜以火發兆故曰陽言吳欲

正陽卜收復文王武孤以下密邇於天子無所逃罪

以孤

下晉辭也密訊讓日至

訊告也

曰昔吳伯父不失春秋必

比也邇近也

率諸侯以顧在余一人

此晉述天子告讓之言也同姓元侯曰伯父吳伯父吳先君也

不失四時必率諸侯脩朝聘之禮

今伯父有蠻荆之虞禮世不續

今謂夫差

也虞度也言夫差有蠻荆之備廢

用命孤禮佐周公以

朝聘之禮不得繼世續前人之職

用命孤禮佐周公以

見我一二兄弟之國以休君憂

休息也周公周之太宰諸侯之師也君有蠻荆

之虞故命晉以禮佐助周公與兄弟之憂也今君掩王東海

國相見令朝聘

天子息君憂周之憂也

今君掩王東海

以淫名聞於天子

淫蓋也淫猶僭也名號也

君有短垣而自踰之

垣者喻禮

防雖短不可踰也王

況蠻荆則何有於周室

言吳姬姓而自僭號

況於蠻荆有何義

夫命圭有命固曰吳伯不曰吳王

命圭

受賜圭之策命周禮伯執諸侯是以敢辭辭不事吳也夫諸

侯無二君而周無二王君若無卑天子以干其不祥干

也而曰吳公孤敢不順從君命長弟許諾長先也弟後也吳王

許諾乃退就幕而會幕帳也吳公先軟晉侯亞之吳王既

會越聞愈章恐齊宋之為已害也乃命王孫雄先與勇

獲帥徒師以為過賓於宋以焚其北郭焉而過之勇獲吳大

夫也徒師步卒也郭郭也託為過賓而焚其郭去其守備使不敢出

吳王夫差既退于黃池乃使王孫苟告勞于周王孫苟吳

大夫勞功也

曰昔者楚人為不道不共承王事以遠我一二

兄弟之國

遠疏也

吾先君闔廬不貲不忍

貲赦也

被甲帶劍

挺鉞搢鐸

挺拔也搢振也

以與楚昭王毒逐於中原栢舉

栢舉之戰

在魯定四年毒暴也中原中也

天舍其衷

衷善也言天舍善於吳

楚師敗績王

去其國

昭王奔隨

遂至于郢

郢楚都也

王總其百執事

賈侍中云王往也百

執事百官也昭謂王闔廬也賈君以為告天子不宜稱王故云往也下言夫概王不避天子故知上王為闔廬

也
以奉其社稷之祭

言脩楚祭祀也

其父子昆弟不相能夫概

王作亂是以復歸于吳

昆凡也夫概王闔廬之弟也傳曰夫概王先歸自立故不能定

楚而歸 今齊侯任不鑒于楚

任齊景公孫悼公之子簡公任也不鑒不以楚敗為鑒戒

又不承共王命以遠我一二兄弟之國

說云謂齊納樂盈以伐晉昭謂

兄弟魯也哀十一年春齊伐魯故其年吳會魯以伐齊

夫差不貫不忍被甲帶劍

挺鉞搢鐸遵汶伐博

博齊別都

登登相望於艾陵

唐尚書云登夫須也

昭謂登登備雨器也相望言不避暑雨艾陵之戰在上傳曰三月克博至于贏是也

天舍其衷齊

師還

言敗而還

夫差豈敢自多文武實舍其衷

文武二后也

歸不

稔於歲

言伐齊之明年不至於穀孰而後出師也

余泝江沂淮闕溝深水出

於商魯之間以徹於兄弟之國

兄弟諸姬也

夫差克有成事

敢使苟告於下執事

克能也成事成功也

周王答曰苟伯父命女

來明紹享余一人若余嘉之

周王景王于敬王馬也紹繼也享獻也繼先王之禮

獻我一人我心誠嘉之也

昔周室逢天之降禍遭民之不祥

說云謂民流厲

王於歲也昭謂子朝篡立敬王出奔民成周之民助子朝者

余心宜忘憂卹不唯下

土之不康靖

不但憂四方乃憂王室也

今伯父曰戮力同德

戮并也

伯

父若能然余一人無受而介福

而女也介大也

伯父多厯年以

沒元身

元善也

伯父秉德已侈大哉

侈猶廣也

吳王夫差還自黃池息民不戒

戒儆也

越大夫種乃倡謀

發始曰吾謂吳王將遂涉吾地今罷師而不戒以忘我
為倡

我不可以怠也日臣嘗卜於天

日昔日也卜於天天若棄吳必許吾成既罷弊

其民天奪之食安受其燼之言者

今吳民既罷

罷勞也

而大荒荐饑市無

赤米

赤米米之姦者今尚無有

而困鹿空虛

員曰困方曰鹿

其民必移就蒲

羸於東海之濱

蒲深蒲也羸蚌蛤之屬濱涯也

天占既兆

兆見也

人事又

見

謂怨誹也

我蔑卜筮矣王若今起師以會奪之利無使失

悛

悛改也

夫吳之邊鄙遠者罷而未至

罷歸也

吳王將耻不

戰必不須至之會也

不待遠兵

而以中國之師與我戰

中國國都

也若事幸而從我言從我而戰我遂踐其地其至者亦將不

能之會也已

言吳邊鄙雖來將不能會戰

吾用禦兒臨之

禦兒越北鄙在今嘉

興言吳邊兵若至吾以禦兒之民臨敵之

吳王若愠而又戰

愠怒也

幸遂可出

使出奔

若不戰而結成

成平也

王安厚取名而去之越王曰

善哉乃大戒師將伐吳楚申包胥使於越

申包胥楚大夫王孫包胥

也越王勾踐問焉曰吳國為不道求殘我社稷宗廟以

為平原弗使血食吾欲與之徼天之衷

徼要也

唯是車馬

兵甲卒伍既具無以行之

行猶用也

請問戰奚以而可

以用也

包胥辭曰不知

也謙

王固問焉乃對曰夫吳良國也

也良善

能博取於諸侯

取貢賦也

敢問君王之所以與之戰者

問政惠所

行王曰在孤之側者觴酒豆肉簞食未嘗敢不分也

爵觴

名豆肉器簞飯器

飲食不致味

致極也不極五味之調

聽樂不盡聲

不盡五聲

之求以報吳願以此戰包胥曰善則善矣未可以戰也

王曰越國之中疾者吾問之死者吾葬之老其老

敬長老也

慈其幼長其孤問其病求以報吳願以此戰包胥曰善

則善矣未可以戰也

此小惠未徧故未可用也

王曰越國之中吾寬

民以子之忠惠以善之吾脩令寬刑施民所欲去民所惡稱其善掩其惡求以報吳願以此戰包胥曰善則善矣未可以戰也王曰越國之中富者吾安之不專取也貧者

吾予之救其不足裁其有餘

裁謂有餘則稅之

使貧富皆利之

求以報吳願以此戰包胥曰善則善矣未可以戰也王

曰越國南則楚西則晉北則齊

西南北皆以中國言之

春秋皮幣

玉帛子女以賓服焉未嘗敢絕求以報吳願以此戰包胥曰善哉蔑以加焉然猶未可以戰也夫戰知為始仁

次之勇次之不知則不知民之極

極中也

無以銓度天下

之衆寡

銓稱也

不仁則不能與三軍共饑勞之殃不勇則

不能斷疑以發大計越王曰諾越王勾踐乃召五大夫

五大夫舌庸苦成大

夫種范蠡皐如之屬

曰吳為不道求殘吾社稷宗廟以

為平原不使血食吾欲與之徼天之衷唯是車馬兵甲

卒伍既具無以行之吾問於王孫包胥既命孤矣

命告也

敢訪諸大夫問戰奚以而可勾踐願諸大夫言之皆以

情告無阿孤孤將以舉大事

阿曲從也

大夫舌庸乃進對曰

審賞則可以戰乎王曰聖

審賞賞不失勞聖通也

大夫苦成進對

曰審罰則可以戰乎王曰猛

能罰則嚴猛也

大夫種進對曰審

物則可以戰乎王曰辯

說云別物善惡昭謂物旌旗物色徽幟之屬辯別也

大夫

蠡進對曰審備則可以戰乎王曰巧

備守禦之備巧審密不可攻入也

大夫臯如進對曰審聲則可以戰乎王曰可矣

聲謂鐘鼓進退

之聲聲不審則衆惑也

王乃命有司大令於國曰苟任戎者皆造

於國門之外

國門城門也

王乃令於國曰國人欲告者來告

三君云告不任兵事也昭謂告者謂有善計策及職事所當陳白者不任兵事則下所謂眩瞽之疾筋力不足

以勝甲兵者告是也

告孤不審將為戮不利

不審謂欺詐不實也

過及五日

必審之

使熟思計之也

過五日道將不行

道術也過五日則晚矣軍當出也故術將

行不王乃入命夫人王背屏而立夫人向屏

屏寢門內屏也王北向夫

人南

王曰自今日以後內政無出外政無入

內政婦職外政國事

內有辱是子也外有辱是我也吾見子於此止矣王遂

出夫人送王不出屏

婦人禮送迎不出門

乃闔左闔填之以土

陽閉

開陰示幽也

去筭側席而坐不埽

筭筭也去筭去飾也側猶持也禮憂者側席而坐

王背檐而立大夫向檐

說云檐屋外邊壇也唐尚書云屋名也昭謂檐謂之摘摘門戶

掩陽也

王命大夫曰食土不均地之不脩內有辱於國是

子也

均平也
脩墾也

軍士不死外有辱是我也自今日以後內

政無出外政無入

內國政外
軍政也

吾見子於此止矣王遂出

大夫送王不出檐

示當守
備也

乃闔左闔填之以土側席而

坐不埽

示憂戚
無飾也

王乃之壇列

壇在野所以講列
士衆誓告之處

鼓而行

之至於軍

軍所軍
之地也

斬有罪者以徇曰莫如此以環填通

相問也

環金玉之環填塞耳問
遺也通行賂以亂軍

明日徙舍斬有罪者以

徇曰莫如此不從其伍之令明日徙舍斬有罪者以徇

曰莫如此不用王命明日徙舍至於禦兒斬有罪者以

徇曰莫如此淫逸不可禁也王乃命有司大徇於軍曰

有父母耆老而無昆弟者以告

六十曰耆
七十曰老

王親命之曰

我有大事子有父母耆老而子為我死子之父母將轉

於溝壑

轉入也

子為我禮已重矣

重矣去父
母而來也

子歸沒而父

母之世

沒終也

後若有事吾與子圖之明日徇於軍曰有

兄弟四五人皆在此者以告王親命之曰我有大事子

有昆弟四五人皆在此事若不捷則是盡也

捷勝也

擇子

之所欲歸者一人明日徇於軍曰有眩瞽之疾者告王

親命之曰我有大事子有眩瞽之疾其歸若已

若汝也已止也

後若有事吾與子圖之明日徇於軍曰筋力不足以勝

甲兵志行不足以聽命者歸莫告明日遷軍接和

上下皆和

也斬有罪者以徇曰莫如此志行不果

果勇決也

於是人有

致死之心王乃命有司大徇於軍曰謂二三子歸而不

歸處而不處

處止也

進而不進退而不退左而不左右而

不右身斬妻子鬻

鬻賣也

於是吳王起師軍於江北

江松江去

吳五越王軍於江南越王乃中分其師以為左右軍

傳曰

越子伐吳吳子禦之笠澤以其私卒君子六千人為中

軍私卒君子王所親近有志行者明日將舟戰於江及

猶吳所謂賢良齊所謂士也

昏乃令左軍銜枚泝江五里以須須須後命也亦令右軍銜

枚踰江五里以須踰度也夜中乃令左軍右軍涉江鳴鼓

中水以須夜中夜半也吳師聞之大駭曰越人分為二

中水水中央

師將以夾攻我師乃不待旦亦中分其師將以禦越

不知

越復有中軍故中越王乃令其中軍銜枚潛涉潛嘿也

分其師以禦之

越王乃令其中軍銜枚潛涉

涉度也

不鼓不譟以襲攻之吳師大北

軍敗奔走曰北北古之背字

越之左

軍右軍乃遂涉而從之又大敗之於沒

沒地名也

又郊敗之

郊郭外也

三戰三北

三戰笠澤也沒也郊也

乃至吳越師遂入吳國

圍王宮

王宮姑蘇

吳王懼使人行成曰昔不穀先委制於越

君

不言越委制於吳譙而反之也

君告孤請成男女服從孤無奈越之

先君何

言越先君與吳有好

畏天之不祥不敢絕祀許君成以至

于今今孤不道得罪於君王君王以親辱於弊邑孤敢

請成男女服為臣御越王曰昔天以越賜吳而吳不受

今天以吳賜越孤敢不聽天之命而聽君之命乎乃不

許成因使人告于吳王曰天以吳賜越孤不敢不受以

民生之不長

長久也

王其無死民生於地上寓也

寓寄也

其

與幾何

言幾何時

寡人其達王於甬句東

達致也甬句東今句章東海口外洲

也

夫婦三百唯王所安以沒王年

夫婦各三百人以秦之在所安可與居者

夫差辭曰天既降禍于吳國不在前後當孤之身實失

宗廟社稷凡吳土地人民越既有之矣孤何以視於天

下夫差將死使人說於子胥

說告也

曰使死者無知則已

矣若其有知吾何面目以見員也遂自殺越滅吳

在魯哀二

十二年冬十二月

上征上國

上國中
國也

宋鄭魯衛陳蔡執玉之君

皆入朝

玉圭
璧也

夫唯能下其羣臣以集其謀故也

集成也
言下其

羣臣以明吳不
用子胥之禍

國語卷十九

國語卷二十

越語上

吳韋昭注

越王勾踐棲於會稽之上

山處曰棲會稽山名在今山陰南七里吳敗越于夫椒遂

入越越子保于會稽在魯哀元年

乃號令於三軍

號呼也

曰凡我父兄昆

弟及國子姓

號令三軍而言父兄昆弟者方在危阨親而呼之也國子姓言在衆子同姓之列者

有能助寡人謀而退吳者吾與之共知越國之政

謂知政為

卿

大夫種進對曰臣聞之賈人

賈人買賤賣貴者

夏則資皮

資取

也

冬則資絺

絺葛也精曰絺麤曰絺

旱則資舟水則資車以待乏

也夫雖無四方之憂然謀臣與爪牙之士不可不養而

擇也譬如蓑笠時雨既至必求之今君王既棲於會稽

之上然後乃求謀臣無乃後乎

後晚也

勾踐曰苟得聞子

大夫之言何後之有執其手而與之謀遂使之行成於

吳

傳曰使種因吳太宰嚭以求成也

曰寡君勾踐乏無所使使其下臣

種不敢徹聲聞於天王

徹達也

私於下執事曰寡君之師

徒不足以辱君矣

不足以屈辱君親來討也

願以金玉子女賂君之

辱請勾踐女女於王

進女為女

大夫女女於大夫士女女於

士越國之寶器畢從寡君帥越國之衆以從君之師徒

唯君左右之

左右在君所用也

若以越國之罪為不可赦也將

焚宗廟

為將不血食也

係妻孥

係繫也死生同命不為吳所禽虜

沉金玉於江

不欲吳得之

有帶甲五千人將以致死乃必有偶

偶對也

是以

帶甲萬人以事君也

言赦越罪是得帶甲萬人事君也

無乃即傷君王之

所愛乎與其殺是人也寧其得此國也其孰利乎

寧安也言

戰而殺是萬人與安而得越國二者誰為利乎夫差將欲聽與之成子胥諫曰

不可夫吳之與越也仇讎敵戰之國也三江環之民無

所移環繞也三江吳江錢塘浦陽江也此言二國之民三江繞之遷徙非吳則越也有吳則無

越有越則無吳言勢不兩立也將不可改於是矣言滅吳之計不可改易也

員聞之陸人居陸水人居水夫上黨之國黨所也上所之國謂中國

也我攻而勝之吾不能居其地不能乘其車言習俗之異也說云

吳是時未知以車戰申公巫臣使其子狐庸教之昭謂狐庸教吳魯成公時也至此哀元年歷五公矣非未知

也吳地勢自習水耳夫越國吾攻而勝之吾能居其地吾能乘其

舟此利也不可失也已君必滅之失此利也雖悔之亦

無及矣越人飾美女八人納之太宰嚭

上言請大夫女女於大夫故因此而

納美女於太宰嚭以求免也嚭吳正卿故楚大夫伯州犂之子也魯昭元年州犂為楚靈王所殺嚭奔吳唐尚書云平王曰子苟赦越國之罪又有美於此者將進之殺之非也

大宰嚭諫曰嚭聞古之伐國者服之而已今已服矣又

何求焉夫差與之成而去之

成平也

勾踐說於國人

說解也

曰寡人不知其力之不足也而又與大國執讎

執猶結也

以

暴露百姓之骨於中原此則寡人之罪也寡人請更

改更

也於是葬死者問傷者養生者弔有憂賀有喜送往者

迎來者去民之所惡補民之不足然後卑事夫差官士

三百人於吳

將三百人以入事吳若宜豎然

其身親為夫差前馬

前馬前驅

在馬前也

勾踐之地南至于勾無

今諸暨有勾無亭是也

北至于禦兒

今嘉興語兒鄉是也

東至于鄞

今鄞縣是也

西至于姑蔑

姑蔑今太湖是也

廣運

百里

言取境內近者百里之中耳東西為廣南北為運

乃致其父兄昆弟而誓

之曰寡人聞古之賢君四方之民歸之若水之歸下也

今寡人不能將帥二三子夫婦以蕃

蕃息也

命壯者無取

老婦令老者無取壯妻女子十七不嫁其父母有罪丈

夫二十不取其父母有罪

禮三十而娶二十而嫁今不待禮者務育民也

將免

者以告

免乳也

公令醫守之

醫乳也

生丈夫二壺酒一犬生

女子二壺酒一豚

犬陽畜知擇人豚主內陰類也

生三人公與之母

乳母

母也人生三者亦希耳

生二人公與之餼

餼食也

當室者死三年釋

其政

當室適子也禮父為適子喪三年

支子死三月釋其政

支子庶子必哭

泣葬埋之如其子令孤子寡婦疾疹貧病者納宦其子

宦仕也仕其子而教以稟食之也

其達士潔其居

潔其館舍

美其服

賜衣服也

飽

其食

稟餼多也

而摩厲之於義四方之士來者必廟禮之

禮

於廟告先君也

勾踐載稻與脂於舟以行

稻稟脂膏也

國之孺子之

游者無不饋也無不歡也必問其名

為後將用之

非其身之

所種則不食非其夫人之所織則不衣十年不收於國

民居有三年之食

古者三年耕必餘一年之食

國之父兄請曰昔者

夫差恥吾君於諸侯之國今越國亦節矣

有節度也

請報之

勾踐辭曰昔者之戰也非二三子之罪也寡人之罪也

如寡人者安與知恥請姑無庸戰

姑且也庸用也

父兄又請曰

越四封之內親吾君也猶父母也子而思報父母之仇

臣而思報君之讎其有敢不盡力者乎請復戰勾踐既

許之乃致其衆而誓之曰寡人聞古之賢君不患其衆

之不足也而患其志行之少恥也

少恥謂進不念功臨難苟免

今夫

差衣水犀之甲者億有三千

言多也犀形似水而大今徵外所送有山犀有水犀

水犀之皮有珠甲山犀則無億有三千所謂賢良也若今備衛士

不患其志行之少恥

也而患其衆之不足也今寡人將助天滅之

言夫差天所不與故

曰助天也吾不欲匹夫之勇也

匹夫輕儻徵功要利者

欲其旅進旅退

也旅俱進則思賞退則思刑如此則有常賞進不用命

離伍獨退則無恥不畏如此則有常刑果行國人皆勸

父勉其子兄勉其弟婦勉其夫言得一國之歡心曰孰是君也

而可無死乎孰誰也誰有恩惠如是是故敗吳於囿國

澤也在魯又敗之於沒沒地名在哀十七年又郊敗之在哀二十年十一月

越國夫差行成曰寡人之師徒不足以辱君矣請以金

玉子女賂君之辱勾踐對曰昔天以越與吳而吳不受

今天以吳與越越可以無聽天之命而聽君之令乎吾

請達王甬句東

甬甬江句句章也連王出之東境

吾與君為二君乎

待

若二君然

夫差對曰寡人禮先一飯矣

言已年長於越王覺差一飯之間欲以少

長求免也

君若不忘周室而為敝邑宸宇

宸屋雷宇邊也言越君若以周室之

故以屋宇之餘庇覆吳也

亦寡人之願也君若曰吾將殘女社稷滅

女宗廟寡人請死余何面目以視於天下乎越君其次

也

次舍遂滅吳

國語卷二十

國語卷二十一

吳 韋昭 注

越語下

越王勾踐即位三年而欲伐吳

勾踐三年魯哀公元年

范蠡進諫

曰夫國家之事有持盈

持守也盈滿也

有定傾

定安也傾危也

有節事

節制也

王曰為三者奈何范蠡對曰持盈者與天

與天法天也天

道盛而不溢盛而不驕

定傾者與人

與人取人之心也人道好謙傾危之中當卑辭尊禮玩好

女樂尊節事者與地

與地法地也時不至不可彊生事不究不可彊成之屬

王不

問蠡不敢言天道盈而不溢

陽盛則損月滿則虧

盛而不驕

盛元氣廣

大時也不驕不自縱弛也勞而不矜其功

勞動而不已也矜大也不自大其功施而不德也

夫聖人隨時以行是謂守時

隨時時行則止則止

天時不作弗

為人客

作起也攻者為客起謂天時利害災變之應

人事不起弗為之始

謂怨畔逆亂之萌也先動為始

今君王未盈而溢

未盈國未富實而君意溢也

未盛

而驕

道化未盛而自驕泰也

不勞而矜其功

未有助勞而自大其功也

天時不

作而先為人客

吳未有天災而欲伐之

人事不起而創為之始此

逆於天而不和於人

天應未至人事不起故逆於天而失人和也

王若行之

將妨於國家靡王躬身

妨害也靡損也

王弗聽范蠡進諫曰夫

勇者逆德也

德尚禮讓勇則攻奪

兵者凶器也

言害人也

爭者事之末

也

言賢者脩其政德而遠方附事之德不行然後用武故曰爭者事之末也

陰謀逆德好用

凶器

陰謀兵謀也勇為逆德也

始於人者人之所卒也

始以伐人終害之

淫

佚之事上帝之禁也

淫佚放濫也

先行此者不利王曰無是

貳言也吾已斷之矣

貳二也二言陰謀淫佚也

果興師而伐吳戰於

五湖

五湖今太湖也

不勝棲於會稽王召范蠡而問焉曰吾不

用子之言以至於此為之奈何范蠡對曰君王其忘之

乎持盈者與天定傾者與人節事者與地王曰與人奈

何

已在傾危故先問與人

范蠡對曰卑辭尊禮

言當卑約其辭尊重其禮以求平也

玩好女樂

玩好珍寶也女樂謂士女於士大夫女於大夫

尊之以名

謂之天

如此不已

不已謂吳不釋也

又身與之市

市利也謂委管籥屬國家以身隨之

王

曰諾乃令大夫種行成於吳曰請士女女於士大夫女

女於大夫隨之以國家之重器

重器寶器也

吳人不許大夫

種來而復往曰請委管籥屬國家以身隨之君王制

之

委歸也屬附也管籥取鍵器也月令曰脩鍵閉慎管籥

吳人許諾王曰螽為我

守於國對曰四封之內百姓之事螽不如種也四封之

外敵國之制立斷之事種亦不如螽也王曰諾令大夫

種守於國與范蠡入宦於吳

官為臣隸也

三年而吳人遣之

勾踐以魯哀元年棲會稽吳與之平而去之勾踐改脩國政然後卑事夫差在吳三年而吳人遣之此則魯哀

五年

歸及至於國王問於范蠡曰節事奈何

欲更修政對故問節事對

曰節事者與地唯地能包萬物以為一其事不失

為一不偏

也不失不失時也

生萬物容畜禽獸然後受其名而兼其利

受其

名受其功名也利謂萬物終歸於地也

美惡皆成以養其生

物之美惡各有所宜皆成

之以養人也

時不至不可彊生

物生各有時也

事不究不可彊成

窮

也窮則變生可因而成也

自若以處

若如也自如無妄動也

以度天下待其來

者而正之

不先唱待其來而就正之

因時之所宜而定之同男女之

功

功農穡絲枲之功也

除民之害以避天殃田野開闢府倉實

財貨

曰府米

民衆殷

殷盛也

無曠其衆以為亂梯

曠空也梯階也無令空田

粟曰倉

廢業使之困乏

以

時將有反事將有間

時天時事人事也反還也間隙

也時還則昨在越而其事有曩隙也

必有以知天地之恒制乃可以有天

下之成利

恒常也制度也

事無間時無反

吳事無罅隙天時未在越

則撫民

保教以須之

保守也

王曰不穀之國家蠡之國家也蠡其

圖之對曰四封之內百姓之事時節三樂

三樂三時之務使之勤事

樂業也不亂民功不逆天時

從事有業故功不亂因時順氣故不逆也

五穀睦

孰民乃蕃滋

睦和也蕃息也滋益也

君臣上下交得其志蠡不如

種也

交俱也

四封之外敵國之制立斷之事因陰陽之恒

順天地之常

陰陽謂剛柔晦朔三光歲縮用兵利鈍之常數也

柔而不屈

外雖柔順

內不彊而不剛

內雖強盛行不以剛

德虐之行因以為常

唐尚書云言無

德行虐習以為常昭謂德有所懷柔及爵賞也

死生因

虐謂有所斬伐及黜奪也以為常以為常法也

天地之刑

死殺也刑法也殺生必因天地四時之法推亡固存亦是也

天因人

因人善惡

而福

聖人因天

天垂象聖人則之

人自生之天地形之

形見也見其吉

凶之

聖人因而成之

因吉凶以誅賞

是故戰勝而不報

敵家不能

報

取地而不反

不復反敵家也

兵勝於外福生於內用力甚少

而名聲章明種亦不如彘也王曰諾令大夫種為之

治為

也國

四年王召范蠡而問焉

說云魯哀三年昭謂四年反國四年魯哀九年

曰先

人就世不穀即位

先人允常就世終世也

吾年既少未有恒常出

則禽荒入則酒荒吾百姓之不圖唯舟與車

好游田故唯舟與車

上天降禍於越委制於吳

委歸也

吳人之那不穀亦又甚

焉

言見困苦也

吾欲與子謀之其可乎范蠡對曰未可

也蠡聞之上帝不考時反是守

考成也言天未成越當守天時天時反乃可以

動彊索者不祥

索求也

得時不成反受其殃

言得天時而人弗能成則

反受其殃夫差克越可取而不取後復見滅是也

失德滅名不克死亡有奪有

予有不子

有奪子而復奪也有子天所授也不子天所去也

王無蚤圖夫吳君

王之吳也王若蚤圖之其事又將未可知也

未可知或時不得也

王曰諾

又一年

反國五年魯哀十年

王召范蠡而問曰吾與子謀吳子曰

未可也今吳王淫於樂而忘其百姓

樂聲色也

亂民功逆天

時信讒喜優

優謂俳優也

憎輔遠弼

相道為輔矯過為弼

聖人不出

通聖

也通知之人皆隱遁也

忠臣解骨

賈唐二君云解骨子胥伏屬鏤也昭謂是時子胥未死解骨謂

忠良之臣見其如此皆體解倦不復念忠也

皆曲相御莫適相非上下相偷

其可乎

御猶將也言皆曲意取容轉相將望無復相非以不忠正者也偷苟且也

對曰人事

至矣天應未也王姑待之王曰諾

又一年

反國六年魯哀十一年

王召范蠡而問焉曰吾與子謀吳

子曰未可也今申胥驟諫其王王怒而殺之其可乎

子胥

數諫王不聽知吳必亡使子齊屬其子于鮑氏王聞之賜之屬鏹以死在魯哀十一年

范蠡對曰

逆節萌生

害殺忠正故為逆節萌兆也

天地未形而先為之征

形見也天

地之占未見征伐也

其事是以不成雖受其刑

難猶俱也刑害也

王姑

待之王曰諾

又一年

反國七年魯哀十二年

王召范蠡而問焉曰吾與子謀吳

子曰未可也今其稻蟹不遺種其可乎

蟹食稻

對曰天應

至矣人事未盡也

謂饑困愁怨之事未盡極也

王姑待之王怒曰道

固然乎

固故也

妄其欺不穀邪吾與子言人事子應我以

天時今天應至矣子應我以人事何也范蠡對曰王姑

勿怪夫人事必將與天地相參然後乃可以成功

參三天也

地人事三合乃可以成大功

今其禍新民恐

稻蟹新也

其君臣上下皆知

其資財之不足以支長久也

支猶堪也

彼將同其力致其死

猶尚殆

殆危也言伐吳於事尚危也

王其且馳騁弋獵無至禽荒

使越王為

此者示不以
吳為念也

宮中之樂無至酒荒肆與大夫觴飲無忘

國常

肆放也常舊法也

彼其上將薄其德民將盡其力

言吳王見越馳

聘射獵不以為意必不脩
德而縱私好以盡民力也

又使之望而不得食

怨望於上而天

又奪之
食也

乃可以致天地之殛

殛誅也

王姑待之

且待時也自此後四

年乃遂
伐吳

至於玄月

爾雅曰九月為玄謂魯哀公十六年九月至十七年三月越伐吳也

王

召范蠡而問焉曰諺有之

諺俗之善語也

曰觥飯不及壺飧

觥大

也大飯謂盛饌盛饌未具不能以虛待之不及壺飧之
救饑疾也言已欲滅吳取快意得之而已不能待有餘

力也今歲晚矣子將奈何范蠡對曰微君王之言

微無臣

固將謁之

謁請也請
伐吳也

臣聞從時者猶救火追亡人也蹶

而趨之唯恐弗及

蹶走也

王曰諾遂興師伐吳至於五湖

吳人聞之出而挑戰一日五反王弗忍欲許之

不忍其
忿也

范蠡進諫曰謀之廊廟失之中原其可乎王姑勿許也

臣聞之得時無怠時不再來天予不取反為之災羸縮

轉化後將悔之

羸縮進退也
轉化變易也

天節固然

固然有
轉化也

唯謀不

遷

謀必素定
不可遷移

王曰諾弗許范蠡曰臣聞古之善用兵者

謂若黃帝
湯武也

羸縮以為常四時以為紀

以為常隨其羸縮
紀猶法也四時有

轉運用兵有利鈍也周語曰王欲合是五位三所而用之是也無過天極究數而止

至極

也究窮也無過天道之所至窮其數而止也

天道皇皇日月以為常

皇皇著明也常

象明者以為法微者則是行

明謂日月盛滿時也微謂虧損薄蝕時法其明者以

進取其微時以隱遁

陽至而陰陰至而陽

至極也

日困而還月盈

而匡

困窮也匡虧也

古之善用兵者因天地之常與之俱行

隨其

運轉虧盈晦明之常也

後則用陰先則用陽

後後動先先動也用陰謂沉重固密用陽

謂輕疾猛厲

近則用柔遠則用剛

敵近則用柔順示之以弱遠則抗威厲辭以亢禦

後無陰蔽先無陽察

後動者泰舒靜為陰蔽也先動者泰顯露為陽察也

用人無

藝往從其所

藝射的也無藝無常所也行軍用人之道因敵為制不豫設也故曰往從其所剛

彊以禦陽節不盡不死其野

言敵以剛強來禦已其陽節未盡尚未可克故曰不

死其

彼來從我固守勿與

勿與之戰也

若將與之必因天地

之災

彼有災變則可

又觀其民之饑飽勞逸以參之

言雖有災民尚逸飽

則未

盡其陽節盈吾陰節而奪之利

彼陽勢已盡而吾陰節盛滿則能奪

之宜為人客剛彊而力疾陽節不盡輕而不可取

先動為客

於時宜為人客剛強力疾陽數未盡雖輕易人猶不可得取也

宜為人主安徐而重固

陰節不盡柔而不可迫

時宜為主安徐重固陰數未盡雖柔不可困迫也

凡陳

之道設右以為牝益左以為牡

陳有牝牡使相受也
在陰為牝在陽為牡

蚤

晏無失必順天道

晏晚也

周旋無究

究窮也無窮
若日月然也

今其來

也剛強而力疾

言吳陽勢未
盡未可擊也

王姑待之王曰諾弗與戰

居軍三年吳師自潰

魯哀二十年冬十一月越圍吳
二十二年冬十一月丁卯滅吳

吳

王帥其賢良與其重祿以上姑蘇

姑蘇宮之臺也在吳
閭門外近湖或云賢

賢妃良貨唐尚書云重祿寶璧昭謂賢良親近之士

猶越言君子齊言士也吳語曰越王以其私卒君子六

千人為中軍賈侍

使王孫雄行成於越

雄吳大夫
王孫姓也

曰昔

中云重祿大臣也

者上天降禍於吳得罪於會稽

使越棲於
會稽時也

今君王其圖

不穀不穀請復會稽之和王弗忍欲許之范蠡進諫曰

臣聞之聖人之功時為之庸

庸用也因天時以為功用

得時弗成天

有還形

還反也形體也

天節不遠五年復反

節期也五年再闕天數一終故復反

也小凶則近大凶則遠

小凶謂危敗大凶謂死滅近五年遠十年或二十年也

先

人有言曰伐柯者其則不遠

先人詩人也執柯以伐柯其法不遠以言吳昔不滅

越故有此敗此戒亦不遠也

今君王不斷其忘會稽之事乎王曰諾

不許使者往而復來辭俞卑禮俞尊

俞益也

王又欲許之

范蠡諫曰孰使我蚤朝而晏罷者非吳乎與我爭三江

五湖之利者非吳邪夫十年謀之一朝而棄之其可乎

十年不收於國勤身以謀吳也

王姑勿許其事將易冀已

冀望也易望已不勤難也

王曰吾欲勿許而難對其使者子其對之范蠡乃左提

鼓右援枹以應使者

提挈也

曰昔者上天降禍於越委制

於吳而吳不受今將反此義以報此禍吾王敢無聽天

之命而聽君王之命乎王孫雄曰子范子先人有言曰

無助天為虐助天為虐者不祥今吾稻蟹不遺種子將

助天為虐不忌其不祥乎

忌惡也

范蠡曰王孫子昔吾先

君固周室之不成子也

子爵也言越本蠻夷小國於周室爵列不能成子周禮諸子之

國封疆方二百里

故濱於東海之陂

濱近也陂崖也

龍鼉魚鼈之與處

而鼃黽之與同渚

鼃黽蝦蟇也水邊亦曰渚

余雖覼然而人面哉吾

猶禽獸也又安知是譏諛者乎

覼面目之兒也譏諛巧辯之言也方欲拒吳之

請故自卑薄以不知禮義也

王孫雄曰子范子將助天為虐助天為

虐不祥雄請反辭於王

謂以辭告越王

范蠡曰君王已委制於

執事之人矣

執事蠡自謂也

子往矣無使執事之人得罪於子

無使我為子得罪也

使者辭反

反報吳也

范蠡不報於王擊鼓興師以

隨使者至於姑蘇之宮不傷越民遂滅吳

事將易冀是也

反至

五湖范蠡辭於王曰君王勉之臣不復入越國矣

勉王以德

欲隱遁也

王曰不穀疑子之所謂者何也對曰臣聞之為人

臣者君憂臣勞君辱臣死昔者君王辱於會稽臣所以不死者為此事也今事已濟矣蠡請從會稽之罰王曰所不掩子之惡揚子之美者使其身無終沒於越國子聽吾言與子分國不聽吾言身死妻子為戮范蠡對曰臣聞命矣君行制臣行意

制法也意志也

遂乘輕舟以浮於五

湖莫知其所終極王命工以良金寫范蠡之狀而朝禮

之

以善金鑄其形狀而自朝禮之

浹日而令大夫朝之

從甲至甲曰浹浹帀也

環

會稽三百里者以為范蠡地

環周也

曰後世子孫有敢侵

蠡之地者使無終沒於越國

誓告也

皇天后土四鄉地主

正之

鄉方也天神地祇四方神主當征討之正其封疆也

國語卷二十一

謹案卷十九第十一頁後七行然減號韓魏刊本
脫減字據宋本增

第十四頁後五行三月克博至于羸是也刊本三
訛五據宋本改

卷二十第一頁前七行言在衆子同姓之列者刊
本言訛年據宋本改

第二頁後三行三江吳江錢塘浦陽江也刊本吳
訛松據宋本改





總校官庶吉士臣張能照

校對官庶吉士臣翟槐

膳錄貢生臣王嘉稷